

2.
LE III

BIBL. NAZ.
VITT. EMANUELE III

111

B

50
NAPOLI

11 12 13

M. B. ~~scribble~~ 50

141 B 50





DISSERTATIO
A M E D E I S A L Y I

Theologi Hetæriani

DE RETINENDO TITULO
IMMACVLATÆ
CONCEPTIONIS
DEIPARÆ VIRGINIS,
adversus

L I N V M & C L E T V M contendentes
reformatum à G R E G O R I O X V
Dictionarium.

Ex Apographo Reverendissimi Patris *Ioannis*
à Neapoli Ordinis Minorum de observan-
tia Generalis Ministri.



COLONIÆ AGRIPPINÆ,
Sumptibus CORNELII AB EGMONDT, &
Sociorum, Anno c h o I o c l i.

Differtatio hæc AMEDEI SALYI Theologi Hetæriani, de Titulo Conceptionis immaculatæ immaculato, digna est, quæ lucem aspiciat; utpote eruditè & eleganter conscripta, in nullo verò Catholicæ fidei diffusa. Ita censui 3 Ianuarii M DC LI.

GVIL. BOLOGNINO, S.Th.L.
Can. & Lib. Censor Antw.

FERDINANDO III
ROMANORVM
IMPERATORI
SEMPER AVGVSTO

Pio, Felici, Patri Patriæ.



FERDINANDE
AVGVSTE
amant Te, quod
mereris, tui, &
quod debent, observant. Ni-
mirum & Tu paternæ in Au-
gustissimam Mariam pietatis
hæres illam & , quod mere-
tur diligis, & quod debes,
colis. Quippe non alios erga
Te vis esse tuos, quàm adver-
sus illam es ipse: & is adver-

fus tuos es, quam illam ergā
Te experiris, clemens, pius.
Ergo merirò vis tuos non fer-
re quidquid nominis tui ma-
jestati labem adferret, qui Ti-
bi putas non ferendum, quod
Marianæ integritati notam
inureret. Testes mihi sunt il-
lius tuæ religionis & pietatis,
&, quod erexisti *Immaculatæ*
ejus *Conceptioni*, trophæum, &
quod tuæ tuo nūtu decreve-
runt academia, de illius ab o-
riginali contagione propug-
nanda immunitate, sacramen-
tum. Ergo *Imperator Auguste*,
Pie, Mariane, ita sis semper fe-
lix tuo me præsidio & tutela
digna-

dignare. *Augustissima Maria* à
turpissimo dedecore & infamia
eximenda est. Pugna est,
non cum hostibus, sed iis, qui
Matrem vocant, qui ejus in se
numero plurima, æstimatione
maxima, supra naturæ cur-
sum stupenda agnoscunt be-
neficia. Agnoscunt autem,
& certe ubique personant.
Poterat post tot adversa illo-
rum prælia debellatum pro
Virgine videri, nisi tot Pon-
tificum & Conciliorum sen-
tentiis infracti, nova rursus
moverent bella. Nunc sane
ab ipsa clade vires sumunt,
cum nescio quo astu, quæ à
nobis

nobis est, Ecclesiæ in nos authoritate pugnant; &, quod pridem in ea obtinuit, non licere nunc per eam Virginis *Conceptionem immaculatam* dici non minus audacter decernunt, quàm pro ea, qua sunt authoritate, violentè nituntur extorquere. ô tempora! ô mores! Ab ea noxa dum Mariam vindico, Tu tuum FERDINANDE AVGVSTE id est *Marianum* puta, & non metuentem invidiæ Majestatis tuæ umbra protege & tuere.

Sacratiss. & Clementissima Maj. tuæ

Infimus cultor

AMEDEVVS SALYVS.

C O N S I L I I R A T I O.



On est animus, cram-
bem recoctam cum
nausea & fastidio le-
ctorum apponere. *Im-*
maculata magnæ Matris *Con-*
ceptio, quoad confirmationem
præcellentissimi nitoris & om-
nium sordium ab ea depulsio-
nem; tantis (propè dixerim)
scriptionum molibus ab exi-
miis Theologis illustrata est, ut
confectum negotium, & ex-
hausta materia videri possit. I-
taque non est animus superva-
caneam illius veritatis disquisi-
tionem regerere, cum lecto-
rum ad vix necessarias repeti-
tiones

tiones .offensione atque fasti-
dio, præsertim cum si quid sup-
petebat ad illius veritatis robo-
rationem & illustrationem, col-
lata ipse quoque symbola mea,
in alia scriptione, erogatis in
hoc divinæ beneficentiæ gazo-
phylacium paucis minutis, vi-
deri possim officio erga paren-
tem optimam utcunque per-
functus. Immaculatæ igitur
Conceptionis confirmationem
ac defensionem, quoad ejus
veluti fundum, hîc non reci-
pio; tantum obiter, nonnul-
la verborum probroforum illu-
vies, qua illius veritatis nitor
his ipsis diebus respersus est,
defricanda, & abstergenda ex
necessitate erit. Quare propo-
situm duntaxat hoc loco est,

monstrare, retinendum esse titulum *Conceptionis immaculatæ*; quem aliqui Ordinis Prædicatorum Theologi expunctum volunt: & à tempore Gregorii XV eliminatum esse, ac proinde negandam esse ejus vulgationem contendunt. Qua in parte, mutata rerum vice, oppugnatores immaculatæ Conceptionis, actorum partes obeunt. Nobis præter inolitum in hoc negotio morem, incumbit defensio. Qua nova culpa nostra, quos de tam antiqua possessione dejicere tentant adversarii; vel quo novo (si fas est dicere) Virginis Deiparæ demerito, cujus tam insignis titulus adeò serò crimini datur, pro-

clivius sit discere , quam dicere.

S U M M A

igitur disputationis hac esto.

DVplici Sixti IV Decreto , inserto in corpore Iuris , & per Concilium Tridentinum plurimosque Pontifices posteriores confirmato , licet dicere , & typis mandare hanc propositionem :

Beata Virgo in primo momento suæ animationis habuit gratiam sanctificantem.

Vel

B. Virgo , præservante Deo , non incurrit peccatum originis.

Permittunt adversarii , ut hæ propositiones asserantur ac typis mandentur.

Quæritur,

Cur vetent mandari typis , & liberè evulgari hanc propositionem:

B. Virginis Conceptio fuit Immaculata.

Perinde enim id esse videtur , ac annuere , ut quis dicat *Petrus est homo* ; vetare autem quo minus dicat , *Petrus est animal rationale.*

PARA-

PARAGRAPHORVM

INDEX.

- §. 1. **I**ncongruitas reformationis dictionarij
& reformationis vocabulorum. 1
- §. 2. Non esse mutatam notionem vocis Con-
 ceptio, per Gregorium XV, cum manda-
 vit sub ea voce coli primam animationem Dei-
 paræ, peccati expertem, sextupliciter mon-
 stratum. 6
- §. 3. Prima ratio, quia alioqui, Gregorius in-
 eptiret, & sibi contradiceret. 10
- §. 4. Secunda ratio, ex communi sensu totius
 Ecclesiæ. 24
- §. 5. Tertia ratio, ex eo quod adversarii ipsi
 secum pugnent. 33
- §. 6. Quarta ratio, ex periculo quatiendi do-
 ctrinam fidei. 39
- §. 7. Ratio quinta, ex scandalo per hanc novi-
 tatem ingerehdo. 50
- §. 8. Sexta ratio, ex inanitate fundamentorum,
 quibus prætensa mutatio notionis vocum, &
 reformationis dictionarij, innititur. 61
- §. 9. Deteresa calumnia sextuplex, impacta ti-
 tulo Conceptionis immaculatæ, spectatis
 illum tribuendi fundamentis. 67
- §. 10. Labes prima, quod hujusmodi titulus sit
 contra omnes, Patres eluitur. 69
- §. 11. Extergitur labes secunda, quod titulus
 Imma-

Paraphororum Index.

Immaculatæ Conceptionis, omnes priscos
Doctores habeat adversantes. 81

§. 12. Eluitur macula tertia, quod titulus im-
maculatæ Conceptionis definitione Apd-
crypha Concilii primi Apostolici, in libris
plumbeis Granatensibus consignata, mita-
tur. 88

§. 13. Labes quarta fœdissima, quod titulus
Conceptionis immaculatæ, fundetur in
confictis miraculis, defricatur. Ioannes Eu-
sebius Nieremberginus; à turpi dehonestatione
purgatur. 90

§. 14. Detergitur labes quinta, quod titulus
Conceptionis immaculatæ, per commen-
titias revelationes invaluerit. 102

§. 15. Purgata labes sexta, quod titulus Im-
maculatæ Conceptionis, in Bullis adulte-
ratis fundetur. 106

§. 16. Clausula pæænctica, de affectu erga
Conceptionem immaculatam reformando, di-
missa dictionarii reformatione. 110

D I S-

DISSERTATIO

De retinendo Titulo

IMMACULATÆ CONCEPTIONIS

Deiparæ Virginis.

§. I.

*Incongruitas reformationis Dictionarii,
& refictionis vocabulorum.*

I.



*Regula fidei, una omnino
est, sola, immobilis, &
irreformabilis, ut opti-
mo statuit Tertullia-
nus a. Insaniunt enim
Novatores, fidem
antiquam reformare
profitentes, & idcir-*

*co nominantes se reformatos fideles; cum re-
vera non nisi deformationem religionis ha-
beant, prout S. Cyprianus b legit illud Apo-
stoli c habentes speciem pietatis. Mento ea in
parte explosi à SS. Irenæo d atque Hilario e.
Reliqua omnia in Ecclesia, sicut ævi injuriis
A patent,*

a l. de
Veland.
Virg. c. I.

b l. de V.
nit. Ec-
cles.
c 2 Tim.
3.

d l. 3.
e l. de
Constant.
August.

patent, ita reformationi sunt obnoxia. *Lege fidei manente* (inquit ibidem Tertullianus) *cætera jam disciplinæ & conversationis, admittunt novitatem correctionis.* Sic, ut præclare docet triplici libro de Reformatione Religiosorum Ioannes Nider, & Guido Iuvenalis, triplici item libro de reformatione Monastica, ac Alvarus Pelagius f, Religiones collapsæ reformantur, quicquid pica corvus in gementem Columbam crocitet. Sic Calendarium quia irreperant quæ emendationem postularent, reformatum est à Gregorio XIII. Breviarium denique & Missale, librique Rituales, reformationem subiisse dicuntur sub Pio, Clemente, Paulo, atque Urbano Pontificibus, ob emaculationem & deterfionem erratorum, quæ vitio aut oscitantia operarum Typographicarum irreperant.

2. His ipsis diebus, prodire qui dicerent, *Dictionary* quoque *Latine Lingue* esse reformatum à Gregorio XV, ita ut mutata anteriore vocabulorum quorundam notione, aliud nunc sonent, quam prius significarent. Argumentum petunt, ex eo quod, usque ad Gregorium XV, vox *Conceptionis* designabat foetus animationem, cum indifferentia foetus tunc primum concepti, ad statum peccati, aut gratiæ. Sic enim

lib. 2.
de plan-
ctu Ec-
cles. ar-
tic. 51.
& seqq.

enim passim *Christus de Spiritu sancto concep-*
tus, & à primo momento plenus gratia,
dicebatur. Contra quam David, *g se in ini-* *Psal. 50.*
quitatibus & in peccatis à matre conceptum
agnoscit: Id est, cum primum anima cor-
pori ejus infusa est, profitetur se contra-
xisse labem parentalem, quæ omnium ini-
quitatum sementis est; & idcirco plurali
iniquitatum ac peccatorum nomine denotatur;
ut notavit S. Leo *h*. Nec enim dubium est,
quin David è legitimo matrimonio con- *h epist. 86.*
ceptus, de peccato originis ageret, ut mo-
nuuit S. Hilarius *i*, ac S. Thomas *k*. Rata *i in Psal. 118. cir- ca finem k 4. con- tra Genta cap. 50.*
igitur apud omnes olim erat ea notio vocis
Conceptio, pro prima foetus animatione, cui
gratiam comitari, *immaculatæ* Decus ad-
jungentes, pii quique in Deiparam prædi-
cabant: alii vero labem originariam illine-
bant. Gregorium vero XV, aliam notio-
nem eidem voci subjecisse, atque adeo di-
ctionarium reformasse, confirmant *Linus*,
& *Cletus*, duo Ordinis Prædicatorum Theo-
logi (sic enim eos appellabo, ut allegari
ex fide possint eorum dicta, pressis per ip-
sos suis nominibus) *Linus* brevius egit.
*Scriptio*nis ejus exordium est, *Ad agnoscer-*
dum quam provide. *Cletus* hoc initium adhi-
buit lucubrationi suæ diffusiori, *De titulo*
tribuendo. Scopus utriusque fuit, monstrare

Gregorium XV voci *Conceptionis*, alium sensum indidisse quam prius haberet. Edixit enim festum Conceptionis quod Ecclesia VII Decembris celebrat, sub nomine *Conceptionis* celebrandum esse, vetuitque ne ea solemnitas, tacita voce *Conceptionis* ut ab aliquibus fiebat, sub alio titulo, V.G. sub titulo *sanctificationis*, ageretur: sed ut omnes plane festum illud celebrarent, adhibita *Conceptionis* voce, mandavit. Cum autem idem Pontifex, expresse eadem constitutione declararet, nullum se præjudicium inferre, sententiæ affirmanti, B. Virginem in sua animatione contraxisse peccatum originale; nec censendus sit ex eodem ore calidum simul ac frigidum efflasse; simul inquam immaculatam Conceptionem definisse, & ab se definiri negasse. Inferunt prædicti Linus & Cletus, Pontificem Gregorium, ea constitutione immutasse anteriorem usum vocis *Conceptio*; ita ut post ejus decretum significet animationem foetus immaculatam; idemque sit dicere, *Conceptio*, ac dicere *Conceptio* sive *animatio immaculata*, & *labis pura*.

3. Hinc præterea inferunt iidem Theologi, non esse amplius dicendum *Conceptio immaculata*; sed à tempore editæ à Gregorio illius Constitutionis, locutionem illam proscri-

proscribendam fuisse; ita ut etiam si *B. Virgo* dici possit *immaculata*, ejus tamen *Conceptio immaculata* non debeat in posterum audiri vel editis libris vulgari: sive Romæ, ubi Magister S. Palatii tanquam immediatus Pontificis Minister libros approbat; sive extra urbem, ubi Inquisitores qui sunt Pontificis delegati, adscribuntur editioni librorum: Ex eorum autem adscriptione, rude vulgus induceretur ad opinandum; Sedem Apostolicam definivisse Deiparæ Conceptionem immaculatam, (si vox *Conceptionis Immaculatæ* in libris prostacket) quam contestante ipsomet Gregorio XV, & aliis Posterioribus Pontificibus, certum est non esse definitam: & ægrè unquam definiendam; cum repugnet omnibus sanctis Patribus (verba sunt Lini) pronunciantis sententiam suam B. Virgini peccatum originis affricantem, esse *in Scriptura admodum fundatam*, & *omnium Antiquorum Patrum ac Doctorum consensione firmatam*. Contrariam vero sententiam, qua affirmatur B. Virginem in prima animatione peccato originis caruisse, Cletus oblique feriens, innuit vel etiam aperte præfert, *Apocryphis Apostolorum definitionibus*, & *confictis revelationibus*, ac *somniatis miraculis*, nec non *Bullis adulteratis inniti*. Succus hic est, universæ disputationis,

rationis, à Lino & Cleto Religiosissimis Ordinis Prædicatorum Theologis institutæ, ad probandum, aliter nunc sonare vocem *conceptionis*, post Gregorii XV constitutionem, quam antè sonaret; atque adeo reformatum ab eo fuisse Dictionarium, nec deinceps dicendum vel typis edendum esse, quod *Conceptio sit Immaculata*,

§. II.

Non esse mutatam notionem vocis Conceptio, per Gregorium XV, cum mandavit sub ea voce coli primam animationem Deipara peccati expertem, sextupliciter monstratum.

4. **H**Æc subversio notionis vocabulorum, atque adeo Reformatio Dictionarii per Gregorium XV, nullo modo est admittenda. Eamque potenter quatiunt illa Tertulliani *l*, perversissimum esse statuentis notiones vocum immutare. [Omnia periclitabuntur aliter accipi quam sunt, & amittere quod sunt, dum aliter accipiuntur; si aliter quam sunt cognominantur. Fides nominum salus est proprietatum.] Et inferius *m*. [Apud nos (*Christianos Catholicos*) nihil ambiguum, nec retortum in
anci-

*l. de
Carne
Christi
cap. 13.*

*m cap.
23. &
24.*

incipitem defensionem. Lux, lux & tenebræ, tenebræ, & est, est, & non, non. Quod amplius, hoc à malo est.] Hoc est, non pervertimus notiones nominum nos Catholici, nec comminissimur Catachreses, vel nubila æquivocationum, ut nomina detorqueamus extra sensum receptum, inducaturque Lexicorum refictio. Id quod statim post, idem Tertullianus *n*, ait sugillari ^{n cap. 5.} ab Isaia conclamante in eos qui faciunt dulce amarum, & tenebras lucem. [Istos scilicet notat, (inquit) qui nec vocabula in luce proprietatum suarum conservant.] Præeam non dissimiliter contundit *o*, ob hanc ^{o cap. 9.} vocum in alias notiones distortionem. [Vtique enim omnia quod vocantur hoc erunt, & quod erunt hoc vocabuntur, & permiscere se diversitas vocabulorum non potest omnino, quia nec rerum quarum erunt vocabula. Est, est, non, non. Nam quod amplius est, hoc à malo est.] Merito igitur inhærentes sensus veteris Ecclesiæ, quem Tertullianus expressit, repudiandam contendimus illam vocis *Conceptio* in alium sensum refictionem; & attributam Gregorio XV Dictionarii reformationem; quam evictum venio 1. impingere ipsimet Gregorio Pontifici, manifestam contradictionem. 2. collidi cum sensu Ecclesiæ uni-

versæ. 3. ipsos etiam adversarios secum committere, ita ut apertè secum pugnent. 4. quater non obscurè doctrinam fidei. 5. non leve scandalum, & fidelibus, & Novatoribus ingenerare. 6. denique evincam, adversarios gratis & absque ullo fundamento in tot tantasque pedicas se induere. 7. Vt hæc manifesta fiant, & lux omnibus quæ proposita sunt, affundatur proferenda est plagula ex decreto Gregorii XV, qui primum adducit decretum Pauli V, renovantis constitutiones Sixti IV, in Concilio Tridentino confirmatas, ac etiam Pii V, quibus decernebatur, liberum cuique esse, *passivam B. Virginis conceptionem*, vel *immaculatam*, vel *maculatam* dicere; neutra parte, erroris vel hæreseos insimulata. Addebat vero Paulus, ad scandala propulsanda, vetare se, *ne quisquam in publicis concionibus, lectionibus, conclusionibus, & aliis quibuscunque actibus publicis, auderet asserere, quod Beatissima Virgo fuerit concepta cum peccato originali*. Firmat hæc omnia in decreto suo Gregorius. Imo eam Pauli prohibitionem, diffundit ad privata & colloquia & scripta: ita ut ne clanculum quidem, & inter arcanos sermones, aut amicas ad amicis litteras, vel syngraphas, ingeri posset mentio *Conceptionis Deiparæ labe originali macu-*

maculatæ. Subditur his præmissis in Gregorii decreto. *Per hoc tamen sanctitas sua non intendit reprobare hanc opinionem* (quod Beata Virgo sit in originali peccato concepta) nec ei ullum prorsus præjudicium inferre ; eam relinquens in eisdem statu & terminis in quibus reperitur , præterquam quoad in supradiçto fel. record. Pauli V, & hoc suo decreto disposita. Eademque sanctitas sua , voluit , & expresse mandavit , ut in reliquis omnibus , ubi hujusmodi decretis non adversantur , Constitutiones Sixti IV, & Alexandri VI, & Pii V, ac Pauli V, ejus prædecessorum , super Conceptione B. Virginis , firmæ & illibatæ remaneant ac exactè observentur , perinde ac si hujusmodi Decretum non emanasset. Et insuper eadem sanctitas sua , cum sancta Romana Ecclesia , de Beatissimæ Virginis Conceptione festum solemniter & Officium celebret , omnibus , & singulis personis Ecclesiasticis , tam sæcularibus quam cujusvis Ordinis & Instituti Regularibus mandat ac præcipit , ut in Sacrosancto Missæ sacrificio , ac divino Officio celebrandis tam publicè quam privatim , non alio quam Conceptionis nomine uti debeant. Contravenientes autem , Sanctitas sua voluit & declaravit , subjacere debere , & subjecit Censuris , & pœnis contentis in supradiçtis Constitutionibus , ac præfato decreto suorum prædecessorum , ipso facto incurrendis. Et ita decrevit

Et mandavit ubique inviolabiliter observari. Sic habet Gregorii Decretum, cui quomodo inædificari possit reformatio Dictionarii, & refictio vocis *Conceptio*, in alium plane sensum quam illhuc usque fecerat, transmutatæ, ne OEdipus quidem perspexerit. Imo vero nihil tale cogitasse Gregorium, nullo negotio demonstrabitur: Indeque ducendum initium exequendi quæ superius recepimus exequenda.

S. III.

Prima Ratio, quia alioqui Gregorius ineptiret, & sibi contradiceret.

6. **A**Rgumentor itaque primo, quia si Gregorius XV suo decreto immutasset notionem vocis *Conceptio*, ita ut non significaret animationem primam fœtus, sicut prius significabat, sequeretur eum ineptire, & sibi ipsi contradicere. Ait enim se approbare, & ratas habere Constitutiones anteriorum Pontificum circa Beatæ Virginis Conceptionem. At Pontifices anteriores, nempe Sixtus IV, Alexander VI, Pius V, & Paulus V, loquebantur de Conceptione, in eo sensu in quo vox illa sumitur in omnibus Dictionariis: hoc est prout sonat primam fœtus animationem:

tionem: & talem Conceptionem Pontifices decreverant dici posse sanctam & immaculatam; ita ut qui assereret B. Virginem in eo primo puncto suæ vitæ caruisse macula peccati Originalis, non posset notari hæreseos, vel erroris: quas notas aliqui Censurarum semper prodigi, zelo non secundum scientiam ducti, ut fatetur Cajetanus *p*, inurebant sententiæ ab aliquot sæculis liquidius expressæ; & speciali festo quod pridem à variis celebrabatur, de usquequaque pura & nitente Conceptione Beatæ Virginis. Erant in ea sententia, & festum illud celebrabant Canonici Lugdunenses, teste S. Bernardo *q*. Et videri inductos ad eam celebrationem à S. Anselmo Lugduni tunc exulante, traditum est in Syntaxi Opusculorum S. Anselmi parte. Idem faciebant Angli, ut videre est in Epistolis Nicolai Monachi S. Albani, ac in Epistolis Petri Cellensis, & in Fragmentis de Conceptione passiva B. Virginis, nuper editis, inter opera S. Anselmi. Insuperque Germani, ut refert Potho Prumiensis *r*, qui anno 1150 scribebat. Quia ergo partiarii contrariæ sententiæ, in istos, & eorum sententiam, ac solemnitatem ab eis celebratam, licentius agebant, damnantes erroris in fide, cultum in ea sententia fundatum; primum
p 1.2.
quæst.
81. art.
3.
Epist.
174.
lib. 3.
de statu
Domus
Dei sub
finem.
Sixtus

Sixtus duplici Constitutione quæ inserta est corpori Iuris Canonici, tum alii Pontifices adducti, repressere huiusmodi Censores; vetantes damnari quoquo modo, eum qui asseruerit B. Virginem esse absque Originali peccato conceptam, & idcirco festum de plane pura Conceptione Deiparæ celebraverit: Quin imò propositis Indulgentiarum illecebris, pietatem, ejus sententiæ assertione, ac festi celebratione proditam, inter fideles promoverè studuerunt. Hæc ergo decreta approbans, & confirmans Gregorius, quomodo potuit aliud intelligere, quam quod intellexerant Anteriores illi Pontifices, quorum decreta approbat atque confirmat? Vel si aliud intellexit in postrema clausula recitata, (in qua sola vim faciunt Adversarii) quomodo non pugnat secum, & evertit omnia, quæ in anterioribus clausulis adeo explicate tradiderat?

7. Qua in parte mirabiliarium plane ingenii acumine se prodit Cletus, cum ex eo quod Gregorius in postrema decreti clausula vetet quemquam in Officio & Missa de Conceptione, uti alio nomine quam *Conceptionis*, (ut faciebant aliqui mox referendi, quos solos ea decreti pars impetit) infert nunc Extravagantem *Cum præcellsa*, quatenus Sixtus officium à Leonardo de Nogarolis confe-

confectum quo sæpe Conceptio dicitur *immaculata*, valde commendat, esse rescisfam; & officium hujusmodi proscriptum esse, etiam quoad eos quibus Pius V concesserat illud recitare, de qua tamen concessione valde ambigit, & satis aperte Minores insinuat conficti Oraculi Pontificii de ipsis licita illius officii recitatione. Hoc Patres minores, haud ægrè purgabant: nunc insisto argumento, quo Cletus probat à Gregorio proscriptum esse hoc officium: Nam (inquit) omnes nunc jubentur celebrare sub nomine *Conceptionis*; At celebrare sub nomine *Conceptionis immaculatæ*, non est celebrare sub nomine *Conceptionis*, quod solum concessit Gregorius adhiberi, excluso quovis alio. Hæc ut dicebam est subtilitas; sed omni pistillo retusior: Nam Gregorii mens, non fuit rescindere Extravagantem, quam disertè confirmat, & à Concilio Tridentino probatam noverat. Ejus ergo aperta mens fuit, excludere vocem *sanctificationis*, sub qua herba latere anguem Originalis peccati, perspectum habebat. Quod si quis, per piam simplicitatem, in Officio vel Missa de Conceptione, adderet vocem *immaculatæ*, vel *sanctæ*, aut *præservatæ*, ad vocem *Conceptionis*, sumptam pro prima animatione; is quidem non recte faceret,

faceret, ob generalem illam regulam, quod sit exquisitè standum verbis præscriptis, nec immiscenda sint alia pro libito, etiamsi pia, & ex affectu optimo addita: Tamen nihil ille delinqueret contra decretum Gregorii, qui tantum intendebat tollere deformitatem cultus enascentem ex adhibita voce *sanctificationis*, loco *Conceptionis*, per eos qui nolebant colere Conceptionem. De aliis autem erratis illi officio immiscibilibus, non erat sollicitus, remittens ad præscripta generalia de divinis officiis, iudicium de iisdem. Nihil ergo Adversariis, in postrema illa clausula decreti Gregorii, feritur aut metitur; quia in ea nihil aliud præcipitur, nisi ut uniformitas cultus retineatur, quæ propriè non evertitur, nisi cum adhibentur voces facientes sensum diversum, ut facit vox *sanctificationis*, juxta mentem eorum qui illam adhibebant, nec volebant uti voce *Conceptionis*, sonante primum animationis momentum, quam pie agnoscimus nitentem, atque adeo immaculatam, & idcirco celebramus.

8. Hanc solum fuisse Gregorii mentem, facile est evincere, considerato tenore extremæ Clausulæ decreti ab eo lati. Ex quo insuper liquebit, quam Gregorius longe abfuerit à mutanda notione vocis *Conceptio*,
ut ei

ut ei nunc primum impingitur. Ait ergo ibi Gregorius fuisse qui Officium de Conceptione Deiparæ, aliter celebrarent quam faceret Romana Ecclesia. Nimirum erant qui celebrarent hoc festum, expungendo è divinis Officiis quibuscunque vocem *Conceptionis*, & substituendo vocem *Sanctificationis*. Sunt qui referant ex Alvaro Pelagios, Ecclesiam S. Mariæ Majoris, in divinis Officiis celebrasse hoc festum sub nomine *Sanctificationis*. Sed hoc esse assumentum ad opus Alvari, inde monstratur, quod omnia illa verba desiderentur in Manuscripto peranti quo illius operis, quod asservatur in Sfortiana Bibliotheca, & desiderentur quoque in ejusdem Operis exemplaribus Vaticanis. Adde quod jussu Pauli V. conquista sunt omnia antiqua Missalia, & libri Rituales ejusdem Ecclesiæ, neque usquam deprehensum est, vocem *Sanctificationis* adhibitam esse pro voce *Conceptionis*, cum de hoc festo ageretur. Non est ergo, quod tam insignis Ecclesia censeatur suffragata hujusmodi interpolationi Officii Sacri. Alii vero usurpata quidem voce *Conceptionis*, hoc festum celebrabant, sed eam intelligendo de *Conceptione Spirituali per gratiæ infusionem*, quando-
cunque facta esset post primum instans vitæ, & animationis; in quo supponebant gratiam

s l. 2. de
plan. Ec-
cles. art.
52.

tiam non potuisse infundi, ob existentiam peccati Originalis, contracti vi generationis ex Adamo via seminali. Fuisse enim qui hanc glossam adhiberent, & non nisi Conceptionem sic sumptam, hoc est sanctificationem subsequutam primum vitæ instans celebrarent, habetur ex Bachono *t*, & discretissimè ex Sixto IV, in altera editione Constitutionis *Grave nimis*: qui graviter damnat nonnullos, eo quod *affirmare præsumerent S. Romanam Ecclesiam, de spiritali duntaxat conceptione, & sanctificatione ejusdem Virginis gloriosæ, festum celebrare*. Similiter celebritatem de Conceptione B. Virginis, (quippe Originali peccato fœdata) repudiabat Richardus à S. Laurentio *u*: admittebat autem celebritatem de ea quam vocabat *Reconceptionem*: quo pacto appellabat *sanctificationem*. Has itaque glossas festi de Conceptione à Romana Ecclesia celebrati, & officii de eadem recitati, à Sixto IV damnatas, iterato damnat Gregorius; explicatissimè decernens, mentem Romanæ Ecclesiæ esse, quæ fuisset jam pridem Sixti IV, hoc est celebrare de Conceptione in protrito sensu hujus vocis, prout videlicet significat Animationem primam, à qua abfuisse peccatum Originis, pie supponitur, non autem prout fingitur significare sanctifi-

*t quod l.
3. quæst.
13.*

*u lib.
12. de
B. Virg.
pag.
1042.*

sanctificationem, post aliquod tempus à primo vitæ instanti subsecutam. Idque ipsum disertissime petebat nomine Regis Catholici Comes à Monterey, cujus libello supplici respondens Pontifex ad ejus mentem, emisit decretum. Non potuit ergo Gregorius, explicatiùs & fortiùs reformationem Dictionarii ipsi impositam repellere, quam fecerit in ea postrema decreti clausula: Ita ut adversarii, renovantes Cantilenam illam à Gregorio explosam, & contra ejus expressam prohibitionem, regerentes notionem *Conceptionis* pro *Conceptione spirituali & sanctificatione*; hancque ab Ecclesia Romana sub disjunctione coli contendentes, non autem quod simpliciter sonat vox *Conceptio*; non possint excusari à manifesta inobedientia, & ab incurso Censurarum atque poenarum quas Gregorius inflixit iis qui hujusmodi detorsionem mentis suæ, in eam festi & officii celebrationem obtruserint.

Dixi, non posse excusari Adversarios *ab inobedientia*, & consequenter *ab incurso poenarum impositarum inobedientibus*, quia certum est, Pontificem potuisse obligare omnes, atque aded etiam adversarios, ad cultum *Conceptionis Immaculatæ*, juxta sententiam piam, & moraliter certam, ac practicè securam, ita ut non sit cur simus solliciti,

lib. 1.
summa
 c. X. nu.
 13. & l.
 6. c. 3.
 num. 3.
 2 Tract.
 X. de re-
 lig. l. 4.
 c. 15. a
 num. 17.

aut inconsulta meticolositate tangamur, ne ei adhærendo labamur. Vt enim constat ex tractatione de Conscientia, latèque confirmant Sanches¹ atque Suarez², allegatis innumeris, etiam in re dubii Iuris, & de qua ambigi potest, an sit licita; Inferior si superioris præceptum interveniat, tenetur cum dubio speculativo operari quod præcipitur, formans Iudicium practicum contrarium. Quanto magis igitur Pontifex poterit cultum *Conceptionis*, sive primæ animationis *Immaculatæ*, (qui cultus certo licitus est & securus ab omni periculo peccandi, ut Sixtus IV definivit) omnibus præcipere, ita ut teneantur; sub illa voce, in eo sensu accepta, venerari publico officio tale religiosum objectum? Nec si Adversarii arbitrantur talem cultus materiam esse illegitimam, idcirco liberantur obligatione obediendi; quasi essent adhæsuri falsitati, usurpata ea locutione contra mentem. Nilominus enim facile eis est declinare mendacium, conformando practicè Iudicium suum, iudicio superioris, quod facere honestissimum est, ac (ut præmissi) necessarium. Et verò Adversarii, ex peculiari inter eos præcepto superiorum, tenentur docere ac prædicare doctrinam S. Thomæ: quamvis plerique inter eos, aliquando secus in animo

animo sentiant, & oppositum habeant pro vero. Sed quia doctrinam S. Thomæ habent pro probabili, & mandatum superioris urget; accommodant se illi doctrinæ inter docendum ac prædicandum, posthabito quoad hoc, iudicio suo speculativo contrario. Quidni ergo tantundem deferant præcepto superioris superiorum omnium, cuiusmodi revera est summus Pontifex? At Pontifex liquidò & explicatè præcipit festum celebrari sub nomine *Conceptionis*: Vultque, primam animationem Deiparæ immaculatam & sanctam, esse objectum cultus Religiosi omnium fidelium; ita ut cultus illius objecti qui ante Gregorium pius & licitus erat, securusque à peccato; vi præcepti Gregorii sit ex obligatione, quoad Officia Ecclesiastica, & divinum sacrificium. Igitur qui illi præcepto refragatur, est reus inobedientiæ, fitque obnoxius pœnis omnibus ob transgressionem illam impositis.

10. Vix superest adversariis aliud effugium, nisi ut cum Cleto dicant, Pontificum decreta præterquam cum cudent definitiones de fide, non debere esse tanti; nec adigere ineluctabiliter fideles. Id enim est quod Cletus, cum sibi opposuisset, plerosque Pontifices vocasse *Conceptionem immacu-*

latam, respondet; hoc eos dixisse recitativè, non dispositivè. Id est, proposuisse eas voces ad modum personarum, nullo sensu informantium verba quæ proferunt: quod profecto extra necessitatem urgentem ad utendum tali æquivocatione cum sola lex veritatis urget, non est nisi stolidorum. En quam verecundè de Pontificibus Romanis loquitur Cletus; & quidem in ipsa urbe Roma. Similiter igitur asserere posset Cletus, Gregorium, prædicta, quia spectant Conceptionem immaculatam, locutum recitativè tantum, & verbis sensu cortici verborum substrato destitutis; utique ad illudendum audientibus. At perspicuum est, Gregorium dispositivè esse locutum, & non tantum recitativè; alioqui quomodò intenderet obligare ad exequendum, & pœnam transgressoribus decerneret?

II. Æquè honorificè de Pontificibus locutus est idem Cletus, cum dixit, Pontifices interdum admiscuisse Bullis suis titulum *Immaculatae Conceptionis*, non quod ita sentirent, nam recitativè tantum loquebantur, sed quod obsecundarent vel pietati, vel opinioni aliorum: Quod est dicere, Pontifices fuisse serva pecora, & gratiæ dedisse non veritati, quod voce tenus sine sensu enunciabant. Hoc si de Gregorio in hac re
affirmet

affirmet Cletus, ne ille admodum inofficiosè, & inverecundè locutus censebitur : cum maledictus sit juxta Guerricum, qui gratiam cum gratia Dei malè cohærentem captat : quod dicere, fecisse in hac causa Gregorium, atrox esset contumelia, & castigatione digna. Nec hoc ipsum quod ait Cletus Pontifices tantum recitativè locutos, labe vacat, cum sit perinde ac si diceret, eos ad modum asinæ Balaam effutivisse vacuos sine mente sonos, nec in Iudice aliquid decernente, vel in Principe aliquid edicente, ferendum esset. Captet itaque Cletus aliud latibulum ad eludenda Pontificum dicta.

12. An eò fugiet, ut dicat quod effutivit circa concessionem Indulgentiarum in favorem Immaculatæ Conceptionis? Ait enim, argumentum inde ductum, esse infirmum; tum quod Indulgentiæ dentur pietati, non opinioni; tum quod nosse se dicat, *titulos ex quibus conceduntur Indulgentiæ, à Pontificibus, non exquiri diligenter.* Id est, oscitanter & negligenter agi illud negotium. Qua ratione, facile esset tegere concessionem indulgentiarum pro nugis; vel etiam pro morbosis motivis: Et quod de indulgentiis non concessis opinioni, sed pietati dicitur, ridiculum est. Quis enim

non videt opinionem non posse lucrari Indulgentias ; atque adeo eas non concedi opinioni ? Si autem conceduntur pietati sic operantium, piè igitur operantur qui colunt Conceptionem, prout est prima virginis animatio sancta, in cujus cultus gratiam conceduntur Indulgentiæ. Non potest autem in hac re circa Gregorium habere locum effugium illud vix ferendum ab homine & Catholico & Religioso, quod scilicet Pontifices oscitanter & indiligenter quandoque agant. Gregorius enim, quod hic edixit, summa cum maturitate, & adhibitis in Consilium viris gravissimis, edixit. Penè exciderat, quod idem Cletus, in hac ipsa Pontificum fugillatione circa Indulgentias immaculatæ Conceptionis piis cultoribus concessas, calces item illisit Messanenſibus ; dicens, Pontifices, dum gratificantur Messanenſibus, & eorum heteroclitæ pietati velificantur, elargitos esse molem Indulgentiarum ob Epistolam apocrypham, & (ut ipse supponit) commentitiâ. Benè, quod Cletus, dum pietatem Messanenſium suscipit mordendam, eam componit cum pietate cultorum conceptionis immaculatæ, ita ut juxta ipsum, eodem certitudinis gradu sit, veritas Epistolæ Marianæ ad Messanenſes, quo est passim apud Catholicos

veritas

veritas immaculatæ Conceptionis. At veritas Conceptionis immaculatæ, & nitoris ejus à labe parentali, quamvis non sit certa ex fide, tamen apud viros perdoctos eo est loco, ut non dubitaverint affirmare, qui pro ejus veritatis pietate mortem oppetierit, contestatus mallem se vita excidere, quam negare piam esse assertionem Conceptionis immaculatæ, veris Martyribus esse annumerandum ¹. Quod Ægidius à Præsentatione allegato Alvaro Pisanna de Pallacios statuit ut indubitatum; & affirmavit etiam Franciscus Suares, quem adducit & sequitur Iacobus Granado, latè in hoc argumento exspatiatus ². Itaque quod Paulus V, Urbanus VIII, & nunc sedens ad Ecclesiæ clavum Innocentius X, Indulgentias concesserunt Messanen-sibus, intuitu venerationis B. Mariæ de Litera; tantum abest ut possit juvare ad quatiendum argumentum pro veritate immaculatæ Conceptionis, ductum ex concessione Indulgentiarum, ut potius mirum in modum promoveat Messanensium causam, in quos admodum improvidè coniscat & arietat adversarius. Quid enim attinebat, in causam Conceptionis immaculatæ, advocare Epistolam ad Messanenses, Indulgentiis Pontificiis frivolis, (proh audaciam!) & indiscussis munitam? Aut si

¹ l. 3. de
immacul.
Concep.
q. 8.
s. 4.

² lib. de
immacul.
Concep.
c. 31
toto.

libebat extra rem & locum mordere eam Epistolam, quorsum vellicare Indulgentias à summis Ecclesiæ Rectoribus fovendæ ejus venerationi concessas? Impetendi potius erant Scriptores supra centum Messanensibus suffragati; quatienda vetus in eam rem traditio; exagitanda miraculorum ei pietati astipulantium frequentia; quæ & alia proferunt qui stant pro veritate Epistolæ Messanensium viri docti complures, variis de eo argumento lucubrationibus, quas Cletus consulere per otium poterit. Nam mihi hîc ea in causa nec feritur nec metitur; atque adeo intacto eo negotio, contentus Adversarii in Messanenles frontem obiter contudisse, primam rationem pro titulo Immaculatæ Conceptionis propositam, obfigno.

§. IIII.

Secunda Ratio Ex communi sensu Totius Ecclesiæ.

13. **A**Rgumentor secundò, quia sententia Adversariorum est manifestè contra sensum totius Ecclesiæ. Omnes enim fideles, etiam post Gregorium XV, cum agitur de cultu religioso Conceptionis, non existimant se aliud colere, quam quod cor-
tex

tex vocis præfert; nimirum animationem primam immaculatam. Neque arbitrantur proponi sibi colendam Conceptionem, vagè significantem, vel conceptionem primam maculosam, quantumcunque postea mundatam; Intendunt ergo duntaxat, colere Conceptionem Deiparæ prorsus puram atque nitentem. Adversatur igitur communi fidelium sensui, qui dicit, à tempore Gregorii XV conceptionem cujus est in Sacris Calendariis & Missalibus ac Breviariis mentio, significare, non animationem primam immaculatam; sed disjunctim, vel animationem primam prorsus puram, vel eandem labe primùm sordentem, sed postea accessu gratiæ & sanctificationis subsecutæ mundatam: quod disjunctum, adversarii dicunt esse notionem voci *Conceptionis* subiectam per Gregorium XV. Et verò fideles, juxta Adversarios, non essent tuti in tali cultu Conceptionis. Contendunt enim Adversarii, objectum Religiosi cultus ab Ecclesia propositum, non posse esse sanctitatem dubiam, ac multo minùs falsam: & ideo dicunt, Conceptionem quæ colenda proponitur, non esse compossibilem cum attributo *Immaculata* seorsim ac præcisè sumpto. Quomodo igitur fidelium intentio ferri poterit Religiosè, in complexum illud

cujus pars est incapax Religiosæ venerationis, ob labem mortalis peccati qua fordet? Præstitisset sanè vocem aded lubricam, prorsus expungere, nec cisternam ac foveam apertam relinquere, cum periculo, ut bestię irruentes pereant : id est, (ut divinum illud jussu exponunt S. Gregorius ¹, & S. Cyrillus Alexandrinus ²) objicere rudibus offensaculum ad quod illidantur. Nec qui in recognitionem Codicum Ecclesiasticorum incubuerunt, post vulgatum Gregorii XV decretum, immunes à culpa & justa reprehensione abirent, non ablata è libris ritualibus voce *Conceptionis B. Virginis*, prout sonante objectum Religiosi cultus : cujus cultus, aliquid in illius vocis adæquata notione involutum, est incapax : ita ut dici possit de notione hujus vocis sic fermentata, quod Photius ³ de Agapio dicebat, cum adhibere vocabula in speciem sana, sed re ipsa morbositatis referta, & penitius insipientibus graveolentia. Illuditur ergo fidelibus à tempore decreti Gregorii XV, cum proponitur illis, ut objectum Religiosi cultus, quod adæquatè, (atque adeo absolutè, & simpliciter) non est purum & veneratione dignum. Et fideles qui pio (ut putabant) affectu ducti coluerunt Conceptionem Beatæ Virginis, pro ut ab Ecclesia propositam, delusi

¹ lib. 17.
moral. c.

13.

² lib. 7.
de ador.

³ Cod.
179.

delusi essent, & jus haberent postulandi de suis in spiritu ac fide Magistris, quod ab eis non essent dedocti errorem, aut præmoniti de latente decipula, in nova illius vocabuli notione. Similiter ratiocinari licet de Indulgentiis, quibus fideles putant se reatum è culpis elutis residuum abstergere, conlendo Conceptionem B. Virginis, ex quo motivo sunt concessæ jam olim Indulgentiæ, intelligendo per *Conceptionem*, non disjunctum ex animatione pura vel impura, sed solum Conceptionem puram; ut est perspicuum ex Sixti IV Extran. *Cum præcelsa*, & ex variis aliorum Pontificum concessionibus, usque ad Gregorium XV, quas mutato post ejus decretum, motivo concessionis, evanuisse oporteret: atque adeo fatendum esset, deludi fideles arbitrando se consequi Indulgentias intuitu cultus Conceptionis puræ concessas, quæ nunc ob mixturam factam in motivo concessionis exolevissent. At sine dubio abhorret à sensu Ecclesiæ, quod fideles decipiantur in his omnibus, aut, quod tetrius est, deludantur à Pastoribus, conniventibus ad communem errorem, & adeo late fusam hallucinationem.

14. Inexcusabilis verò præter cætera esset prolapsio in recitatione officii de Conceptione-

ceptione ; etiam illius quod Pius V recitari mandavit , mutato nomine *Nativitatis* in nomen *Conceptionis* : Nam in octavo illius Officii responsorio , ad Matutinum , precatur Ecclesia Deiparam , ut *sentiant omnes ejus juvamen , quicunque celebrant sanctam ipsius Conceptionem*. Si *sancta Conceptio* , quomodo *maculata* ? Aut quomodo in ejus significato disjunctim involvuntur fordes peccati prorsus exterminantis sanctitatem , cujusmodi est peccatum Originis , quod verè est mortale , & inferens æternam damnationem ? At Rectores Ecclesiæ , in publica & solemni precandi formula , proponunt absolute & simpliciter *Conceptionem sanctam* ; & fideles ductui suorum Pastorum inhærentes , agnoscunt *sanctam Conceptionem* , & allegato ejus cultu , poscunt Deiparæ auxilium.

15. Vtebantur autem ea precandi formula ante Gregorium XV , cum vox *Conceptio* , juxta adversarios sonabat animationem primam. Et cum in celebratione publica sic loquerentur , præeunte Ecclesia , talem precandi formulam suggerente , manifestum est sensum totius Ecclesiæ tunc fuisse , Conceptionem sive animationem primam , haberi posse sanctam atque adeò immaculatam. Nam sanctitas in prima animatione,

tionem, apertè fert exclusionem mortalis maculæ Originalis, quod est esse immaculatam. Nec est verum, quod Cletus post longam tricationem ait, *sanctam Conceptionem*, aliud sonare quam *Immaculatam Conceptionem*: eo quod vox *sancta* neutri sententiæ de Conceptione Deiparæ alligetur: & verè Conceptio Virginis dicatur *sancta*, quia hoc attributum ei quadrat pro eo Instanti quo fuit *sancta*. Hæ tricæ destituuntur veritate. Nam vox *sancta*, cum cadit in Conceptionem acceptam in sensu protrito, quem habebat ante Reformationem Dictionarii, sonat gratiam animæ inhærentem in primo vitæ momento, cum qua inhæsiōe impossibile est peccatum Originis. Quia ergo Ecclesia *sanctam* vocabat, & colebat conceptionem sic sumptam, agnoscens in ea piè & probabiliter sanctitatem, planè eodem tenore agnoscebat Conceptionem immaculatam. Nunc porro Ecclesia eandem precandi formulam retinet quam prius: & huc usque per annos circiter xxv priusquam Lini & Cleti glossa prodiret, etiam post Gregorium, usurpavit ea verba in eodem sensu quo ante Gregorium. Nemo enim quidquam inaudiverat de reformatione Dictionarii, adscripta Gregorio. Perspicuum igitur est, glossam novam prædictam,
& Di-

& Dictionarii reformationem quibus adversariorum responsio innititur, pugnare cum sensu in universa Ecclesia recepto.

16. Declinare satagit hoc telum Cletus, sed objecta straminea parma. Ait enim, Arianam hæresim, universam propè Ecclesiam infecisse, & tamen fuisse verticem blasphemix. Item sub S. Stephano Imo. tota ferè Ecclesia, duobus tantum vel tribus Episcopis resistantibus, in Anabaptismum abiit, neque tamen propterea Anabaptismus habendus est sanctus. Miror hominis peritiam, qui ex eo quod multitudo errantium non officiat veræ fidei luminibus, infert quantumvis ferè tota Ecclesia (perpaucis ex una sacra familia ac ne omnibus quidem intra eam degentibus, exceptis) consentiat in unum sensum atque Iudicium; parvi esse faciendam eam tantam totius ferè Ecclesiæ consensionem. At nos aliter edocti sumus, de Ecclesia Christi sponsa loqui, & sentire, non esse innitendum multitudinem corrupta quantumvis numerosa in ferenda sententia docuit nos ipse Deus Exodi 23, sic præscribens. *Non sequeris turbam ad faciendum malum, nec in iudicio plurimorum acquiesces sententiæ, ut à vero devies*, ubi Abulensis 1. latè prosequitur non esse adhærendum sensui multitudinis, etiam totius populi, in pronun-

nunciando de re quapiam, nisi si agatur de re ambigua; tunc enim (præsertim in practicis) quia plus vident oculi quam oculus, censendum esset, posse facilius errare unum intellectum, quam tot aliorum stantium in contrarium. At cum veritas liquida est, non si mundus universus in contrarium feratur, fas est à vero recedere, & turbæ adhærere, quantumvis numerosæ. Hauſtum id à Platone, qui in pronuntiatio de rebus, præter peritiam deposcit fortitudinem, ne obstupefactus multorum clamoribus, ignavè cedat, & contra quàm par est, ferat sententiam, unde ortam Poetarum Siculorum & Italicorum ad numerosi vulgi judicium se fingentium, depravationem expostulat.

Idem: pluris esse debere paucorum sapientum quam vulgi innumerabilis sensum confirmat. Pessimè præterea rem geri, ubi suffragia non ponderantur, sed numerantur, statuit Æneas Sylvius². Hoc igitur facile damus, quoad humana quoque negotia. Et idem multo magis servandum esse in dogmatibus, docuit nos S. Athanasius integro Opusculo nono, vel potiùs Theodoretus cujus esse ea Opuscula perperam tributa S. Athanasio docemur ex Photio³ unde Hæreticos quandoque gloriatos de sua numerositate, explodi à Patribus sæpè observavi-

¹ in Convivio.

² Epist.
³⁸⁷.

³ Cod.
⁴⁶.

vavimus. Longè verò aliam esse rationem sensus quo ducitur universa propè Ecclesia Catholica, frustra monerem. Itaque Adversarii scutum, ex comparatione Ecclesiæ Catholicæ & Synagogæ Arianorum, non est tutum, nec repellit telum intortum. Quod de S. Stephano dixit Adversarius, monstrat quàm accuratè Patres evolverit, vel illius temporis historicos. Nam tantum abest, ut omnis ferè Ecclesia, demptis duobus vel tribus Episcopis resistantibus, abierit in Anabaptismum, ut potius extra Africam ubi autoritas S. Cypriani bona fide errantis, multos abripuit, vix tres quatuorve alicujus nominis Antistites, ut Firmilianus Cappadox, & Dionysius Alexandrinus, S. Cypriano adhæserint; & multa Episcoporum milia cum S. Stephano constanter steterint, ut tradit S. Augustinus: qui etiam urgens Donatistas S. Cypriani errore materiali abutentes, ut cum reliqua Ecclesia toto orbe diffusa consentirent, infinities contestatur. Quin etiam multi Africani, ex eodem Augustino adhærere S. Cypriano renuerant. Et illos ipsos qui ei adhæserant primùm, brevi contrario edito decreto rescidisse quod cum eo de Anabaptismo sanxerant, S. Hieronymus agens in Luciferianos testatur: quod item fecere Firmilianus, ac

Dio-

• lib. 3.
cont. Cre.
sco. cap.
1. 2. 3.

Dionysius, & alii, D. Augustino teste, ac Dionysio Alexandrino apud Eusebium ^{1. 7. hist. cap. 4 & 8.} En quomodò universa Ecclesia, præter tres Episcopos, & Pontificem Romanum, Anabaptismo est suffragata, ut Adversarius affirmabat.

S. V.

Ratio Tertia, Ex eo quod Adversarii ipsi secum pugnent:

17. **T**ertio argumentor, quia Adversarii aperte secum pugnant. Nam ita volunt excludi *Conceptionem immaculatam*, ut tamen admittant B. Virginem jurè dici *immaculatam*. At hæc duo si cohærenter sumantur, idem planè sonant, nec sunt duo, sed unum & idem. Nimirum Conceptio seorsim à Deipara, non est aliud quam passio, & productio effectus in subiecto. Passio autem illa, non est capax maculæ Originalis, de qua sola hîc agitur: sed ea capacitas, tantùm cadit in subiectum gratiæ & carentiæ illius; quod subiectum est anima, ut benè notavit Cajetanus ^{2.}: aut, ^{1. 2.} ut alii volunt, (& nunc nobis perinde est) ^{quest. 83. art. 2. & 3.} subiectum peccati est voluntas implantata animæ. Vel ergo Adversarii, admittentes Deiparam esse Immaculatam, hoc tribuunt

Deiparæ , pro toto tempore vitæ ejus ,
 comprehenso primo animationis instanti ;
 & sic perspicuè secum pugnant , cum re-
 nuunt agnoscere , Conceptionem , id est
 Virginem , prout primæ animationi sive
 conceptui substantem , esse Immaculatam :
 vel certe , cum concedunt Deiparam dici
 immaculatam , id admittunt tantum de tem-
 pore vitæ Deiparæ post primum instans : &
 sic quoque , secum pugnant . Nam denomi-
 natio *Virginis Immaculatae* absque addito re-
 stringente , fert ut absolutè & simpliciter ,
 atque aded per totam vitam B. Virgo omni
 labe & macula caruerit , quod Adversarii
 diffitentur . Deinde vox *Immaculata* non po-
 test in Deiparam cadere pro reliquo tem-
 pore , si ei non quadravit pro primo instan-
 ti : quia attributum *Immaculatae* præfert vel-
 uti Virginitatem spirituales animæ , per e-
 longationem ab omni mortali peccato ,
 quod S. Chrysostomus ¹ vocat *animæ devir-*
ginationem . Sicut ergo Virginitas corporea ,
 sonat omnimodam corporis integritatem
 nullo impuro commercio violatam ; & nul-
 lus Virginem dixerit mulierem , cujus nitor
 corporeus non sit illibatus ; etiamsi post
 carptum aliquando florem illum , depereat
 Sanctimoniam & corporis munditiem : ita
 non potest dici *immaculata* quæ fuit ali-
 quando

¹ homil.
 24. in E-
 pist. ad
 Ephes.

quando maculata, quantumcunque postea niteat, & emaculetur, ac sanctificetur. Simile est de attributo *Innocentiæ*, quod perspicuum est non cadere in eum qui aliquando graviter impeggerit, etiamsi postea resipuerit, & perfectè reverteretur ad animæ sanitatem. Igitur (ut præmittebam) si Deipara absolutè & absque addito dicitur *Immaculata* (quod Adversarii non renunt) debet quoque censeri caruisse peccato Originis in prima animatione: quod est dicere *Conceptionem fuisse Immaculatam*. Ut quid ergo prohibemur, ore profiteri, & scriptis committere, atque vulgare typis, *Conceptionem Deiparæ immaculatam*?

18. Præterea manifestè sibi in eo contradicunt Adversarii, quod dicunt fatendum esse Gregorium XV, nisi aliter sumplisset *Conceptionem* quàm priùs sumeretur, definivisse *Conceptionem Immaculatam* esse ex fide certam, quandoquidem proposuisset primam Virginis animationem, gratia sanctificante collucentem, ut objectum cultus religiosi. At iidemmet fatentur, similem propositionem Conceptionis, id est animationis primæ in objectum cultus Religiosi, mansisse ab anterioribus Pontificibus, Sixto, Alexandro, Pio, & Paulo: à quibus tamen agnoscunt *Conceptionem immaculatam*

non fuisse definitam. Manifestum ergo est, Adversarios sibi contradicere, nec loqui cohærenter. Sed ut bene dixit Anastasius ^{1 cap. 15. ody 8.} Sinasta ¹, sunt qui nihil pensi habent, etiamsi inconsequenter loquantur, aut in præcipitia se ingerant, dummodò Adversariis rectè sentientibus creent molestiam. Quod aliter de iisdem dixit S. Ephrem ², [Linguam dumtaxant habent, & non mentem: loquuntur quæ volunt, & non intelligunt quæ consequentium sit intelligentia] Hoc est, nolunt advertere quàm incohærenter loquantur, & quomodò secum ipsi pugnent ac collidantur. Sed facillimum est, absque anfractibus ratiocinationum monstrare, Adversarios in hoc negotio sibi contradicere nec loqui cohærenter. Admittunt enim, posse absque labe & nota asseri, B. Virginem in primo suæ productionis momento habuisse gratiam sanctificantem. Nam quam ipsi hoc censent falsum, tamen non audent inficiari, quin sub vocibus propositis fas aliis sit asserere, B. Virginem, in eo ipso instanti quo ejus anima creata est ac infusa corpori, caruisse peccato Originali, ob infusam illi eo ipso instanti gratiam sanctificantem, à quovis mortali peccato, (cujusmodi est Originale) inconciliabiliter diffidentem. Tantum itaque contendunt, absti-

nendum

² *serm.
de mar-
gar. pre-
tio.*

nendum esse vocibus illis, *B. Virginis Conceptio*, fuit *immaculata*. Eas quippè voces à Gregorio XV expunctas volunt ob commutatam notionem vocis *Conceptio*, cum qua sic commutata, negant cohærere attributum *immaculatæ*. Tametsi quia Gregorius non convulsit decretum Sixti IV. firmatum in Concilio Tridentino, quoad pietatem & probabilitatem doctrinæ agnoscentis nitorem B. Virginis in primo instanti suæ productionis, fatentur Adversarii, liberum adhuc esse, abstinendo vocibus *Conceptionis immaculatæ*, affirmare, B. Virginis animam in primo instanti suæ productionis accepisse gratiam sanctificantem, & caruisse peccato Originali; idque voce & scripto, vulgari nunc quoque posse. In hoc dico Adversarios secum manifestè pugnare, & ludicros videri, ac verè Logomachos. Perindè enim se gerunt, ac is qui fateretur, Petrum esse *hominem*, negaret tamen esse *animal rationale*. Aut perinde ac is, qui agnosceret animam rationalem esse *immaterialem* & *impartibilem*, negaret tamen esse *spiritualem*. At hæc esset puerilis Logomachia, pugnans ipsa secum; quandoquidem aliud non est, esse *hominem*, quàm esse *animal rationale*: Nec aliud est esse *spirituale*, quàm esse *independens à materia atque infectile*. Et qui unum horum ad-

mittens, inficiaretur alterum ; rideretur , & secum ipse pugnare diceretur. Quare adversarii aliud de seipsis iudiciū expectare nequaquam debent ; cum è terminis synonymis, unum ablegent veluti impurum ac fermentatum ; alterum retineant tanquam syncerum ac purum. Nemo quippè non videt, has voces , *B. Virginis Conceptio est immaculata*, synonymas esse cum istis ; *B. Virgo in primo momento productionis animæ suæ , habuit gratiam sanctificantem, & caruit peccato Originali*. Et tamen Adversarii, has posteriores voces, retineri patiuntur , quia non audent apertè convellere decreta Sixti IV, & Concilii Tridentini. Priores autem illas voces , eadem notione manifestè gravidas , habent pro reprobatis , nec sinunt vulgari. Quid est secum pugnare , si hoc non est ? Græci dicerent, hoc esse μαζαδίζειν ; à fistula quam μάζαδιν vocarunt , & pugnantes simul edebat sonos. Vnde illud ex Alexandride adductum ab Athenæo lib. 14. Μάζαδιν λαλήσω. Μικρὸν ἄμα πι καὶ μέγαν. Satyrus à mensa rustici , calidum simul ac frigidum ex eodem ore efflantis , indignabundus secessit ; ut est apud Anianum fabulatorem. Verendum , ne pariter, tam manifestè adversantia proloquentes adversarios , abjiciant cæteri.

S. VI.

*Quarta Ratio, ex periculo quatiendi
Doctrinam fidei.*

19. **A**Rgumentationem quartam duco ex periculo ne hæc novitas in fundamenta fidei incurrat, eaque succutiat. Tametsi enim non est ex fide certum, quod Conceptio Deiparæ fuerit Immaculata, idque nondum esse ab Ecclesia definitum, contestatus sit Gregorius, tamen hæc propositio, *Pium est & probabile, quod Conceptio Deiparæ est immaculata*; (sumendo *Conceptionem* in sensu pro trito, sive pro prima animatione) hæc inquam propositio, videtur esse de fide: ita ut ejus inficiatio, sordeat explorato errore. In eo quippè sensu, de Conceptione locutus Sixtus I V. in Extrav. *Grave nimis*, videtur statuere ut certum, & de quo non liceat homini Catholico dubitare, quod pium sit & probabile, ac elongatum ab omni periculo erroris practici, atque peccati, asserere B. Virginis Conceptionem fuisse immaculatam, ob interven- tum divinæ præservationis, antevertentis naturam, ut S. Damascenus ¹ egregiè dixit; & infectionem animæ in momento creationis, attento naturæ cursu consecu-
1 Orat.
de Nati-
vit.
C 4 turam,

turam, ex singulari in Virginem benevolentia prohibentis. Concitatur ibi graviter Sixtus, adversus quosdam ausos criminari piam illam assertionem: quos item ait, non erubuisse affirmare ac prædicare, eos qui tenent aut asserunt *B. Mariam absque Originalis peccati macula fuisse Conceptam, mortaliter peccare, vel esse hæreticos: ejusdemque immaculatæ Conceptionis Officium celebrantes, audientesque sermones illorum qui eam sine macula conceptam esse affirmant, peccare graviter.* Has assertiones, Sixtus motu proprio, & ex certa scientia pronunciat falsas, & erroneas, ac penitus à veritate alienas; & libros ad eas falsas assertiones tunc editos à Vincentio Bandello de Castro Novo, Ord. Prædicatorum, auctoritate Apostolica reprobat, damnatque. Et eos qui deinceps auderent assertionibus illis astipulari, vel libros quibus confirmarentur legere, excommunicationis Pontifici reservatæ ipso facto incurrendæ, fulmine percellit. Sixti decretum firmavit anno 1501, Alexander VI, addito Dominicanis interdicto, agendi de Conceptione pro concione, quod refert ad eum annum B. Zovius. Roboravit item postea Sixti decretum, Synodus OEcumenica Tridentina, & Pius V, cæterique deinceps Pontifices, à quibus assertio Conceptionis Immaculatæ, (sumendo

Con-

Conceptionem pro prima animatione) agnoscitur pia & probabilis, ac extra omne erroris practici periculum. Idque Pontifices ex Cathedra loquentes, hoc est intendentes Christianam plebem docere, ac obligare ad ita sentiendum, tanta asseveratione confirmant, ut non liceat ambigere de veritate talis doctrinæ: quam proindè omninò fatendum videtur, ad fidem Catholicam pertinere, cum obstrepentes ei, notentur à Sixto, non falsitatis tantùm, sed etiam *erroris*: qui modus loquendi, plerumque non solum signat secundum gradum propositionum reprobarum, qui ad hæreseos vestibulum pertingit, sed etiam veram hæresim, ut videre est in variis capitibus tituli *de hæreticis* in 6.

20. Nec ambigendum puto, quin, si minùs in hoc sensu usurpetur ibi à Sixto vox *erroris*, at à nobis saltem usurpanda sit. Nam ut rectè monuit Malderus¹, cum Ecclesia^{2.2. quæst. x1.art. 2.memb. 5.} notat temeritatis, alteriusve similis notæ, hæresi inferioris, aliquam propositionem, hæreticum est eam censuram abjicere: quia talis abjectio continet inficiationem potestatis Ecclesiæ ad ferendam illam Censuram. Atque adeò, etiamsi Sixtus Paulo inferiorem quàm hæresis notam inuississet reprobari illi doctrinæ, fugillanti pietatem ac probabilitatem Conceptionis Immaculatæ; tamen

dicatur incurrisse Originale peccatum ; ut putant qui non penetrant naturam Originalis peccati. Imo verò tu ipse (Vir cœteroqui maxime) minùs penetras naturam Originalis peccati. An enim eximi labe peccati mortalis , est parva gloria ? Aut non minuitur laus ejus qui adeò sordere supponitur ? Itaque bona verba fodes. Turpissimè autem ac indignissimè (ne quid addam) unusquispiam non ita pridem , ut est candidus & amans synceritatis , veritatem in injustitia non detinentis ; stomachatus recentiori tot scriptores qui in stabilienda immaculata Conceptione laborassent , quot legi possunt in Optimi Patris & Deiparæ additissimi Hippoliti Marascii Bibliotheca Mariana , erupit in eam bestialem vocem , *Etiam bestiae , absque peccato sunt conceptae* : ratus inde vilescere ac depreciari hoc Virginis ornamentum. Concinit bellissimè Vox ista , cum voce Manichæorum apud S. Augustinum mores eorum describentem cap. 14. Virgentibus enim Catholicis quod Sancta Ecclesia tot virgines haberet , infregere hoc argumentum Manichæi , illud respondentes ; *Etiam mula virgo est*. Sed dimissa Symphonia vocis illius Manichæi , cum hac ferali voce in Conceptionem immaculatam , vel puer viderit , quod bestiae sine peccato sint

con-

conceptæ, non esse bestiarum decus, quia sunt bestię, id est peccati incapaces, sicut & sanctitatis ac gratiæ. At in subjecto sanctitatis capaci, cujusmodi est persona humana, splendet insigniter ornamentum illud immaculatæ Conceptionis: ut facile est æstimare, ex tetra labe qua peccatum Originis animam inquinat; & ex summa luce gratiæ, qua furva illa caligo dispellitur. Est ergo haud dubiè pium, affici erga illud Deiparæ ornamentum: præsertim cum Ecclesia ad id invitet, & securos nos faciat quod sic affecti non peccamus, sed laudabiliter agimus. Hac enim cautione supposita, non defuerunt qui *impietatis*, id est (ut ego interpretor) *imminutæ ac frigida erga Deiparam pietatis*, insimularent eos qui renuerent pietatem suam erga B. Virginem prodere, tantum ejus decus agnoscendo ac celebrando. Sic præter cæteros pronuntiavit vir doctrina & pietate præcellens, Franciscus Titelmannus, de primis, qui in Capucinorum sacram familiam aggregati sunt, unus: cujus omnia scripta, etiam Philosophica, judice Bellarmino¹, miram spirant sanctitatem. Ablegato autem omni prorsus acore Verborum, dico, qui cum possit usque ullo labendi aut peccandi periculo, renuat ad eum modum honestare B. Virginem

¹ l. De script.

nem , tribuendo illi statum gratiæ nullo unquam peccato temeratum ; non se adeò pium erga illam exhibere quàm posset ; nec posse inficiari , illos qui eandem Virginem eo ornamento honestant , pietatem suam erga illam prodere , & præ ipsis pios esse.

23. Iam probabilitas ejusdem propositionis , enunciantis Conceptionem Deiparæ, sumptam pro prima animatione , fuisse Immaculatam, est per se perspicua, ex consensu tot Doctorum, & tot Academiæ, in quibus à multis sæculis ea doctrina constantissimè traditur, & nemo ad Lauream Theologicam, nisi juramento eam doctrinam firmans promovetur, ut infra attingam. Accedit, omnium, (vix una dempta) Religiosarum familiarum, Viris Doctissimis abundantium, in eam Doctrinam, ejusque defensionem conspiratio, mira que consensio. Quæ ad probabilitatem huic Doctrinæ conciliandam, plusquàm sufficiunt: si enim unus aut alter gravis Doctor, accedente ratione, non incongruè, potest opinionem aliquam reddere probabilem, ut est certa omnium doctrina in tractatione de Conscientia ; quomodò non sit plusquam probabilis , Doctrina , à tam multis & tam idoneis Doctoribus tanto consensu proposita ? Nec

Pa-

Patres refragantur , imo impensè favent , cum Deiparam appellant *omni ex parte puram & incontaminatam , ac prorsus impollutam , ipsisque beatis spiritibus puriorem & nitidiorem: quæ non possent verè dici , si Beata Virgo , vel ad momentum , fuisset cœno mortalis culpæ inquinata.* Abstineo adscriptione singularium locorum , quod passim prostant : & præcipua quæque libata memini in Dyp-tichis Marianis ¹. Innumera verò ex Pa-

¹ *Parte*
² *punc.*
num. 14.
³ *1. Ioan.*
¹ *v. 8.*
⁴ *num.*
35.
³ *r. 1.*
Theol. 3.
art. 1.
⁴ *De*
Conc.
cap. 42.

24. Ipse Christus , Magister optimus , & viam Dei in veritate docens , jam Cœlo illatus , testimonium prohibuit veritati huius doctrinæ. Nam ut est in Actis B. Oringæ quæ aliàs *Christiana* nominatur , & in Hetruria anno 1310 è vivis excessit , virtutibus & miraculis illustrissima , sancta hæc virgo aliquando per extasim in Cœlum abducta , vidit Deiparam in fulgentissimo throno assidentem Filio , alba veste pretiosissima amictam , exultantibus circum eam sanctis omnibus , & festum solemne agitantibus. Sunt enim etiam in Cœlo festa & celebritates quotannis recurrentes , ut
S. Chry-

S. Chrysostomus collaudans S. Philogonium, ex Paulo eruit. Miranti autem Oringæ, tantæ celebritatis causam, & suspicienti maximè candorem vestis quo Deipara prænitebat, Christus ipse his verbis eam allocutus refertur; *Miraris, Christiana, honorem qui ab Angelis hodie Matri meæ gloriose exhibetur, & qua induta est, vestem: Sed scito hodie agi in Cælo celebritatem Immaculatæ Conceptionis, ejus quæ me deinde concepit ac peperit verum Deum, ac hominem, illibata semper virginitate. Vestimenti ejus candor, prærogativa est singularis innocentia. Nimirum quia nemo filiorum Adam præter Deiparam, ea prærogativa potitus est in animatione prima. Subjicitur in iisdem Actis. Propter hanc visionem, voluit Christiana, monasterio quod deinde erexit, nomen esse S. Mariæ Novellæ, statuitque ut in eodem, salva S. Sedis Apostolicæ, summique Pontificis auctoritate, & reverentia, quotannis sacræ Conceptionis solemnitas celebraretur.* Edidit ea Acta Sylvanus Razzi, quæ Bollandus mense Ianuario repræsentavit. Itaque sicut apud Cæsarium Heisterbachensem¹, memoratur obita in Cælo, antistropha nostrati festivitas Virginis Purificatæ: ita festivitas Immaculatæ Conceptionis, (ut eam Christus ipse appellasse refertur) per beatos cœlites, applau-

¹ l. 7. mirac.
c. 20.

plaudentibus Angelis agitatur. Ex tanta ergo nube testium, in terra simul & in Cœlo dantium testimonium; supererente insuper ratione congruentissima, ducta ex maternitate Dei, quam ut S. Anselmus ¹ rectè ^{1. De Conc. Virg. cap. 18.} statuit, decebat tantus à peccato per universam vitam recessus, quantus infra Deum concipi poterat; manifestè concluditur, assertionem Conceptionis Immaculatae, esse exquisitè probabilem, ut assumebam, & Sixtus IV declaravit planèque haberi ex ratione facta à S. Anselmo, agnoscunt S. Thomas, ² S. Bonaventura, ³ Gulielmus ^{2 In I. d. 44. art. 3.} Vorri longus ^{3 Serm. 1. 2. & 3. de B. V.} 4, & passim alii. ^{4 In 3. diff. 3.}

Doctrinam ergo quam Ecclesia jam à tempore Sixti IV mandat probabilem & piam agnosci, estque revera talis, ut monstratum est; pronunciare non conhärentem cum nova Grægorii XV Declaratione, est collidere Pontificum Decreta ad rem fidei spectantia, & inducere titubationem vel convulsionem in doctrinam fidei, quod nemo non videt, quanto cum incommodo sit conjunctum.

§. VII.

Ratio Quinta ex scandalo per hanc novitatem ingenerando.

25. **Q**Vintò argumentor, ex scandalo quod hæc novitas potest ingenerare, & fidelibus & infidelibus. Inter fideles, dimissis implacabilibus inde jurgiis inter duas patricias sacras familias, de quibus Abulensis¹, quantas rixas & contentiones severit pervicax adhæsiō ad præconceptam sententiam de conceptione Deiparæ maculata, testis est Sixtus IV. in Extravag. *Grave nimis*. Nec hoc diffitentur ipsimet contrariæ doctrinæ propugnatores. *Perstringitur enim vulgus fidelium, percutitur & torquetur* (inquit Melchior Canus Ord. Prædic.)

¹ *Parad.*
^{1.} *cap.*
21.

² 12. *de*
locis
cap. II.

² cum infectam mortali Originis peccato B. Virginem audit. Ob exorientia inde in populis jurgia, & capitales dissentiones; Aragonum ac Valentia Reges ab anno 1394, usque ad annum 1461. legibus severissimis agere in buccinatores maculatæ Conceptionis, sunt adacti. Sed ut gens Francica, Deiparæ semper fuit addictissima, ita vix ullibi, hanc ob causam, majores fuere turbæ. Thomas Valsinghamus Benedictinus³, sic rem hanc describit.

³ *Histor.*
Angl.
ad an-
num.
1389.

[Per

[Per idem tempus, in Francia FF. Prædicatores suam opinionem reassumentes, de Conceptu B. Mariæ Virginis, in tantam efferati sunt superbiam, ut Episcopis, illis indicentibus hujus rei silentium, noluerint obedire; postremò nec Regi & Proceribus id jubentibus: Quapropter extra protectionem Regiam facti sunt. Iussi sunt etiam, intra propria se habitacula cohibere: de labore manuum suarum, intra loca sua vivere, egredi nusquam præsumere, sub poena capitali: præceptumque est eis, ne de cætero quemquam ad Ordinem suum admitterent, sub poena præmissa, ut post hos qui modò vivunt, nullus esset qui eorum Ordinem continuaret.

26. Hæc spectant turbas excitatas Lutetiae anno 1387, cum F. Ioannes de Montefono, adversus Immaculatam Deiparae Conceptionem, licentiùs egisset, Tot enim turbæ adversus ipsum Montefonum, & Ordinem Prædicatorum sunt excitatæ, ut Autor gestorum Clementis VII, qui Avenione agebat se pro Pontifice, testatus se affuisse & omnia cominùs perspexisse, diram procellam in Ordinem suum Dominicanum ea de causa excitatam describens, altè ingemiscat. Plagulam huc facientem, aliis multis recisis, repræsentò. [In toto ferè Re-

gno Franciæ , & præsertim in lingua Gallicana (an *Languedoca*) quàm plurimi contra ipsos insurrexerunt , multos ex ipsis captivando , oblationes , & eleëmofinas eis denegando , prædicationes verbi Dei , propositiones , & confessionum auditiones eis inhibendo. Dicta etiam universitas Parisiensis , eos à se totaliter segregavit. Quoad actus Scholasticos nullibi faciendos , aut honores , & gradus recipiendos , nedum non admisit , sed etiam impedivit. In quibus omnibus , fautores paucissimos , persecutores plurimos , habuerunt : fueruntque passi damna plurima , & infinita , nedum in personis , sed etiam in bonis. Ac ut de injuriis , opprobriis , contumeliis irrisionibus , & detractionibus taceamus , pro tunc , facti fuerunt tanquam opprobrium hominum , & abjectio plebis : duravitque tempestas hujusmodi per plures annos , nec fuit qui eos adjuvaret : & hoc maximè , quia , qui eos persequabantur , se B. Virgini existimabant sacrificare , cui dictum Ordinem , & ejus supposita , multimodè injuriari , & detrabere asseriebant , in eo quod quasi omnes , ipsam asserunt , & opinantur in peccato Originali Conceptam fuisse , quod utique fore erroneum & damnatum , tales astruebant.] Threnos quos attexit , prætere-

tereo,

tereo. Addunt Acta Caroli VI, Regis Francorum, Regem ipsum, Gulielmum de Valone Episcopum Ebroicensem, ex eodem Ordine assumptum munere Regii Confessarii abdicasse, pepulisseque tanquam in famem, eo quod Ioannes de Montesono defensorem ageret, adversus Conceptionem immaculatam; & nunquam se deinceps è tali Ordine electurum aliquem qui ipsi esset à Confessionibus, confirmasse. Nec sedatam utcunque fuisse tempestatem in populo coortam, priusquam inducti Fratres Regia autoritate, festum Conceptionis celebrassent, & sententiam immaculatæ Conceptioni adversantem, publicè revocassent. De turbis occasione ejusdem controversiæ Rothomagi excitatis, & indito adversariis Conceptionis immaculatæ, probro *Huettorum*, id est *exsibitorum* nomine, meminit ejusdem temporis res describens Juvenalis Ursinus.

27. Huc pertinent quæ Ioannes Trithemius in Chronico Spanheimensi ad annum 1497 memorat turbas in Dieppensi Normanniæ Vrbe concitatas, P. Ioanne Veri Ord. Prædicatorum, auso publicè de suggesto declamare in Conceptionem Immaculatam. Qui citatus, compulsus est ad palinodiam, & juramento firmandam,

nunquam se deinceps tale quidpiam effutit-
turum. Per quam occasionem, in Academia
Parisiensi, decretum esse, ut deinceps quot-
quot Lauream Theologicam consequi vel-
lent, juramento firmarent, se ejusdem im-
maculatæ Conceptionis assertores, & pro
viribus propugnatores futuros; Idque Co-
loniensem quoque Academiam sanxisse
biennio post Parisiensem; moxque etiam
Moguntinam altero post Coloniensem
biennio, scribit Trithemius ad annum
1499, & 1501, Ioannem Thomam, Ada-
mum Sueffionæum, Gaufridum de S. Mar-
tino, Ioannem Adamum, Petrum de Can-
chro, Ioannem Nicolai, & Petrum de
Cheriaco, ad publicè retractandam opi-
nionem de maculata Conceptione adactos
esse Lutetiæ, ut excitati per eam doctrinam
fragores conquiescerent; scribit Guagui-
nus in præfatione ad opus suum metricum
contra Vincentium Bandellum de Castro
Novo, qui edito libro, eandem Deiparæ
maculam, non absque tumultu & turba-
tione, tentarat astruere.

Ejusmodi nunc fuit sensus Gallorum, qui
hodièque perseverat, ita ut apud eos asser-
tio Conceptionis maculatæ, scandalum gra-
ve esset illatura si audiretur. Et cum artifi-
cio quodam (de quo alias) solemnitas

Con-

Conceptionis B. Virginis liberi cultus facta videretur, nemo fuit Episcoporum, qui derogari splendori tantæ celebritatis pateretur. Itaque per totam Galliam, tantum abest, ut solemnitas festi recens sit imminuta, ut potius longè illustrior sit reddita, Miratus autem sum vehementer, qua ratione F. Turcus Ord. Prædicatorum Generalis, re-dux ex Gallia, & apud Hispanos quo primum divertit, & postea apud Italos disseminaverit, Fratrique Ioanni Baptistæ Marino id passim spargenti persuaserit, nunc in Gallia, optima quæque ingenia in sententiam Dominicanorum de Conceptione maculata concessisse. Hoc è Gallis plerique, impacta mentione repulerunt audiente me; & fuit qui confirmaret, tantam Marianis Galliæ maculam, appressa fortiter sponsia, perbrevis esse detergendam, monstrata continuatione sensus. Gallorum per quatuor minimùm secula, in asserenda Conceptione passiva Deiparæ absque parentalis culpæ labe. Oportuit autem Fratrem Turcum, & edoctum ab eo F. Baptistam Marinum, apologorum Fratris Turci Romæ novum disseminatorem admodum demissè de Sorbonicis Doctoribus sensisse, cum eos expunxerunt è serie optimorum Galliæ ingeniorum, quippè stantes pro

Conceptione Immaculata ejusque propugnationes dicto ante inaugurationem, Sacramento firmantes, ne Dominicanis quidem cum Doctorum lauream suscipiunt, (& frequentes suscipiunt) ea jurandi obligatione immunibus. Si enim nunc optima quæque Galliæ ingenia, stant pro Conceptione infecta peccato originis, ut Turcus dixit, & Marinus refert ac spargit, non sunt profectò Sorbonici inter optima Galliæ ingenia, & in re Theologica cedunt optimis quibusdam ingeniis, quæ atrorum ne, an alborum sint, ignoratur. Neque enim auderent hoc palam in Gallia effutire, certi excitandorum ex ea assertione scandalorum, & discriminis effutienti impendentis, præsertim si supra aut juxta Sequanam vel Ararim tale quippiam audiretur. Turbas in Germania excitatas cum F. Vigandus Cau-po Ord. Prædicatorum ausus esset impugnare Conceptionem immaculatam, memorat in allegato proximè Chronico Trithemius ad annum 1494. Itaque assertio Conceptionis labe originaria maculatæ, scandalum piis fidelibus ingeneravit jam olim.

28. Hæc si in viridi ligno sunt facta, in arido quid fiet? Non erat tunc aded subacta hæc materia; nec difficultates aduersus eam motæ,

motæ , adhuc à tam multis erant contritæ. Nec dum quoad primas illas turbas decretum Sixti IV, securos præstans immaculatæ Conceptionis studiosos, prodierat : Et tamen tanto zelo concitati sunt pro ejus nitore fideles. Quid mirum radicata jam penitiùs in pectoribus fidelium ea veritate, affectu item erga Deiparam, ejusque decora semper auctiore , doctrinam de Conceptione foedata Originali peccato , nullibi audiri absque gravibus scissuris, & Ecclesiæ turbatione ? Ita testatur in decreto suo Gregorius XV. Et ut id ille reticuiſſet , in re propè calente non eſſet monitore opus. Inſonant omnium auribus, tempeſtates ſonoræ ante paucos hos meſes in variis Orbis Chriſtiani regionibus , hanc ob cauſam excitatæ: etiamſi Adverſarii vix, niſi de retinenda ſua opinione cogitarent : quæ procellæ ſine dubio non miteſcent , ſed recrudescant vehementiùs , cum fideles audient , tendi inſidias piæ ſententiæ, allegata immutatione notionis Vocum , facta à Gregorio XV , de qua immutatione poſt tot annos à Gregorii obitu , nemo mortalium quicquam inaudiverat ; ante hoc (propè dixerim ,) trinoctium. His ergo artibus depelli ſe de poſſeſſione antiqua , verbo ac ſcripto appellandi Conceptionem Deiparæ

immaculatam, plebs fidelis feret ægerrimè:
 & longè ægriùs quàm ferret, quod aliqui
 Conceptionem Deiparæ censerent ac dice-
 rent maculatam; non obstantes tamen, quo
 minùs cæteri, & verbo & scripto immacu-
 latam dicerent. quod nunc primùm adver-
 sarii satagunt ut prohibeatur. Nolim verus
 vates esse: sed prælagit animus, quæ præ-
 cesserunt turbationes, non fuisse nisi pro-
 lusiones ad consummationem malorum: &
 qui hujusmodi moretum intriverint, primos
 mortem in olla deprehensuros. De scandalo
 fidelibus hinc creando, satis. Neminem
 verò lâtet, quanta cuique injiciatur obliga-
 tio, removendi scandali, & consulendi paci
 fidelium: cum hîc ob magnam negotiorum
 dissimilitudinem, non habeat locum ea

¹ homil.
^{7.} in Eu-
 ang.
² in A-
 pol. ad
 Gal.
 Abbat.

D. Gregorii ¹ sententia, S. Bernardo ² pro-
 bata [Melius est ut scandalum oriatur,
 quàm ut veritas relinquatur.]

29. Quod infidelibus quoque creandum
 hinc scandalum præmittebam, intelligo
 præsertim de sectariis. Quanquam vix am-
 bigam, quin si ad Turcas quoque, & alios
 Paganos, fama hujus novitatis permaneret ³,
 renovandum esset scandalum quod Iacobus
 Perez de Valentia, Ioanne XXII ad Ec-
 clesiæ clavum sedente, anno 1322, exor-
 tum testatur; cum Soldani Armeniæ filius,

³ in Cant.
 Magnifi-
 cat ad
 vers. 3.

Græcè

Græcè & Latinè peritus, qui ad Pontificem Baptismi candidatus advenerat, audito Concionatore qui pro suggesto adversùs immaculatam Deiparæ Conceptionem conclamaverat, resiliit à consilio suscipiendi Baptismi; non absque stomacho in eos qui talia de Christi matre dici sustinerent, quæ ne Saracenos quidem pacificè excepturos, est contestatus. Hæreticos quos habemus propiores, quantam sermonum materiam ex hac novitate accepturos putamus? Quàm altè cachinnos tollent, si intelligant, novas vocum notiones excogitari, & refingi ac reformari Dictionaria, ne, quod præfert cortex verborum, in Pontificum de Conceptione decretis, retineatur; & ne prima Deiparæ animatio, (ut hætenus licitum fuerat) immaculata affirmetur? Quod verò judicium ferent de Catholicis, si audierint, apud eos vetitum esse, dicere Conceptionem sumptam pro prima animatione esse immaculatam; fas tamen esse, dicere animationem primam B. Virginis esse immunem ab omni peccato? At (inquier) sensus, non sermo fit crimen, juxta Hilarium l. 2. de Trinit. & Nazianzenum præfatione ad tractatum de fide. Tametsi verò Sectarii, erga Deiparam, quæ caput serpentis contrivit, & cunctas hæreses sola interemit

in

in universo mundo , pessimè sunt affecti ; & Lutherus, qui fuit illis magnus Pan, professus est se ad nomen *festi Conceptionis* cohorrescere, tamen de nostris (ut jactabunt) contentionibus ac verbalibus tricis , deque mutabilitate in rebus tanti momenti ; ac de proscripta , (certè vulgari typis vetita) *Conceptione immaculata B. Virginis*, agent triumphum.

30. Recens , certis nuntiis auditum est , Blondellum quendam, apud Vocentios non ignobilem in Calvini hara subulcum , aut edidisse , aut proximè editurum esse , lucubrationem quandam suam , de mutata tandem , quæ hætenus invariata, & immobiliter firma habebatur , fide Romanæ Ecclesiæ : argumento ducto ex eo quod erasum esset ex albo festorum agitandorum cum cessatione à servilibus , quod priùs jam ab aliquot sæculis solemniissimum erat , festum *Conceptionis B. Virginis* : itémque ex eo quod verentur nunc Catholici dicere & vulgare *Conceptionem Deiparæ esse Immaculatam* , quod priùs dicere & edere sinebantur. Haud vana est conjectura , pro more hujusmodi pecuariorum Calvini , & genio Blondelli, ipsum Molossicè in Catholicos, & Romanam Ecclesiam baubaturum, non minùs scripto , quàm voce jam fecerit.

At

At interest permagni, ut subducatur hostibus Ecclesiæ, occasio opponendi nobis instabilitatem in negotio Doctrinæ fidei ac religionis. Ex quo capite præsertim, malè audierunt semper, omnes Sectarii; ut de sui temporis erronibus notavit S. Irenæus¹; &^{1. 3. c. 2.} de nuperis vir doctissimus Claudius San-^{2 præfat.} ctesius^{2.} ^{ad repet. de Euch.}

S. VIII.

Sexta Ratio, ex inanitate fundamentorum quibus Prætensa mutatio notionis vocum, & reformationis Dictionarii, innititur.

31. **A**Rgumentor sextò, monstrando, Adversarios omnia hæcenus proposita incommoda, devorare absque fundamento. Hoc ut evincam, breviter recolo, quæcunque in Lini & Cleti scriptione occurrerunt, ad hujus novitatis comprobationem, & tituli *Immaculatæ Conceptionis* proscriptionem,

Primum ac præcipuum, quod ab his Theologis urgetur, est; quod nisi admittatur, à tempore Gregorii XV vocem *Conceptionis*, aliud significare quàm priùs, atque adeò non ampliùs significare animationem primam, sed longè aliud; sequeretur, Pontificem

tificem illum, suo decreto, quo edixit, festum quod agitur VIII Decembris, esse celebrandum tantum sub vocabulo *Conceptionis*, definivisse, tanquam ex fide certum, primam Deiparæ animationem fuisse absque peccato Originis: quod tamen ipse Gregorius, negat ab se esse definitum. Hoc autem sequi ex decreto Gregorii, nisi mutata per eum sit notio nominis *Conceptio*, probant Adversarii: quia *Conceptio* quam Pontifex proponit ut objectum cultus religiosi, debet necessariò esse sancta; non sanctitate dubia, sed explorata, & certa secundum fidem. Cum igitur Pontifex mandet, in celebratione festi & officii de *Conceptione*, præteriri alias voces composibiles cum sententia contendente primam Virginis animationem fuisse Originali peccato maculatam; jubeat verò adhiberi solam vocem *Conceptionis*, necessarium prorsus est, ut ab eo tempore significatum vocis *Conceptio*, non arctetur amplius ad primam animationem, sicut prius arctabatur, sed extendatur ad notionem utrique sententiæ communem; ita ut juxta illam significationem ei vocis de novo substratam, prima virginis animatio, agnosci ac dici possit maculata: unde concluditur; nunc *Conceptionem* non posse dici *immaculatam*; quia probabilitas alterius senten-

sententiæ , cui Ecclesia nullum intulit præjudicium , non potest cohærere cum eo attributo *immaculata* , cadente in Conceptionem,quamvis ante decretum Gregorii,cùm vox *Conceptio* non gravidabatur notione indifferente ad utramque sententiam , posset dici *Conceptio Immaculata* , quia non excluderentur voces,quibus alia sententia labem Originalem Virgini illinens,effferri-poterat. Hoc est primarium fundamentum , cui Adversarii inædificant proscriptionem illius pronunciati , *Conceptio B. Virginis est immaculata*. Quo fundamento jacto , exclamat interrogando Linus ; Quis ergo non videt , diversitatem status in acceptione hujus nominis *Conceptio* , ante Gregorium XV, & post illum ?

32. Non est tamen difficile , monstrare hoc fundamentum esse planè ruinosum. Neque enim si Gregorius XV dixit , velle se, ut omnes, octavo Decembris, festum & officium peragerent sub nomine *Conceptionis* , sumptæ prout ea vox tunc sonabat; hoc est pro prima Virginis animatione, eamque Conceptionem proposuit pro objecto cultus Religiosi , & laudabilis erga Deiparam pietatis , consequens est , ut definierit tanquam ex fide certum , quod prima Virginis animatio fuerit labis originariæ experts & imma-

immaculata. Nam ad statuendam Conceptionem sic acceptam, pro objecto cultus, sufficit ut Pontifici visum sit pium ac probabile, quod B. Virgo semper labe caruerit, ejusque prima animatio fuerit immaculata. Et hoc est, in quo adversarii, vel ultrò cœcutiunt, vel obturatos habent oculos, quibus perspiciant, quando definitur cultum alicujus personæ esse licitum, & religiosum ac pium, non idcirco statui, ut ex fide certum, quod persona, cui cultus decernitur, sit sancta & collucens gratia sanctificante. Potest enim religiosè ac piè coli, ex sola certitudine morali, aut ex prudenti & probabili judicio, quòd sit cultu digna.

33. Habemus evidentissimum exemplum in Nativitate & Præsentatione B. Virginis, quæ religioso cultu quotannis sunt illustres: neque tamen ex fide definitum est, quod B. Virginis Nativitas fuerit sancta; cum id solùm habeatur ex moraliter convincente congruitate, ob prærogativam Nativitatis sanctæ aliis quibusdam puris hominibus concessam: quæ prærogativa multò magis Virginem decuit: ac proinde nullo modo potest videri verisimile, Virgini defuisse. Multò minùs definitum est, Virginem in Templo fuisse præsentatam; sed id ex paucorum non adedò antiquorum testificatione, tanquam

tanquam pium & verisimillimum, religioso cultui objicitur, magno fidelium bono. De Assumptione, quatenus spectat præcocem Virginis anastasin, & corporis jam redivivi sublationem in Cœlum, idem dicere liceret. Nec enim est fide certum, quod B. Virgo sit eo modo assumpta in Cœlum, ut ex multis Doctoribus ostenditur in Diptychis ^{1. parte 2. p. x. n. 1.} Et tamen ea Assumptio, est religiosissimum anniversariæ solemnitatis objectum. Non minùs perspicuum est, exemplum de sanctis Canonismo exornatis: ago de illis Sanctis, quos Scriptura, aut verbum Divinum traditum, non proponit ut Sanctos; sicut proponit Deiparam, & Apostolos, quorum nomina scripta in Cœlis fuisse testatur: Qui ergo Canonismo honestantur, & post dis- ^{2. quod l. 9. art. 16.} cussam ritè causam, diplomate Pontificio renunciantur sancti & cultu digni, haud dubiè honestè coluntur, & religiosè ac piè: neque tamen fide certum est, eos sanctos esse, ut expressè tradit S. Thomas ^{3. 4. I. q. 1. p. 1. tract. 25 cap. 8.} 2, consentiuntque primarii quique Theologi; ac nominatim Cajetanus ^{4. 5. de locis. c. 5. l. 4. q. 12.} 3, Canus ^{6. tract. de Pont. disp. 4. prop. 4.} 4, Cordu- ^{7. disp. 5. de fide l. 8. nu. 8.} ba ^{8. 1. 2. d. 115. nu. 94.} 5, Malderus ^{9.} 6, Suarez ^{10.} 7, Vasques ^{11.} 8, & alii, suo loco recensiti. Ac ut præcidamus disputationes non necessarias, saltem de his qui *beatificati* duntaxat dicuntur, certum est, eos piè ac religiosè coli; quamvis nemo

dixit, eorum cœlestem gloriam fide divina esse tenendam. Igitur cultus religiōsus non infert certitudinem fidei de sanctitate personæ quæ colitur. Simile est, de hac numero hostia consecrata, quæ sub sacrum adoranda proponitur: & certum est, ex prudenti iudicio quod sit verè consecrata, piè ac religiosè coli, quamvis non sit divina fide certum, quod sit consecrata. Quid si enim is, qui ministerium consecrationis obivit; defectu Characteris, aut intentionis necessariæ, nihil fecit? Non dissimiliter igitur in re nostra, quamvis non sit ex fide certum, primam Deiparæ animationem fuisse immaculatam; tamen quia prudenter iudicatur talem fuisse, idque Pontifices pium, & probabile, & expers cujusvis periculi agnoscunt, rectè Conceptionem sic spectatam proponunt fidelibus, ut objectum cultus Religiosi, salva contrariæ adversariorum opinionis immunitate à censura hæreseos, vel erroris, quamdiu Ecclesia hærens in Conceptionis immaculatæ summa probabilitate ac pietate, non vult ad penitiora progredi in hoc negotio. Sed quorsum quærentur in plano salebræ? Ipsimet Adversarii fatentur Sixtum IV, & alios Pontifices Gregorio XV anteriores, approbasse celebrationem Immaculatæ Conceptionis, sumendo

mendo *Conceptionem* pro prima animatione: Nec tamen idcirco definire intendebant tanquam ex fide certum, *Conceptionem* esse *Immaculatam*, ut etiam Adversarii profitentur. Quare ergo Gregorius XV censendus esset definisse *Conceptionem* esse *immaculatam*, quia eam pro objecto Religiosi cultus proposuit, nisi *Conceptionis* nomen usurpasset in alio sensu, quàm pro prima animatione?

§. IX.

Detersa calumnia sextuplex, impacta titulo Conceptionis immaculatæ, spectatis illum tribuendi fundamentis.

34. Sic disjecto primario fundamento, Sex quo adversarii contendunt factam esse à Gregorio XV mutationem significationis vocis *Conceptio*, & inductam necessitatem proscribendi à *Conceptione* sic reformata, titulum *Immaculatæ*; attingenda obiter ac cursim sunt alia quædam, quibus Linus & Cletus gravant piam sententiam cui inhæremus, & titulum *immaculatæ* à *Conceptione* Deiparæ proscribendum decernunt. Nam etiam, hæc pars est non postrema fundamentorum quibus adversarii

inædificant homonymiam , vocis *Conceptio*, ejusque notionem excludentem titulum *immaculatæ*, substratam ut volunt à Gregorio XV.

Causantur itaque imprimis , stare adversus eum titulum , *autoritatem omnium SS. Patrum ac Doctorum Antiquorum* : nec eum titulum inniti nisi fundamentis admodum ruinosis ; puta *Apocrypha definitione Concilii Apostolici*, *confictis revelationibus*, *miraculis somniatis*, & *Bullis Pontificum adulteratis*. Ejusmodi verò non esse fundamenta sententiæ negantis Conceptionem immaculatam, gloriatur Linus , qui hac gloriatione , immane quantum piæ sententiæ assertores fauciat ; sed ita tamen , ut eadem se sicâ confodiat. Expendamus tantisper singula illud breviter præfati , opportunum sic maximè videri monitum ab Atheniensibus facto potius quàm voce suggestum , cum aras contumeliæ ac impudentiæ , statuerunt. Fana vocat Tullius agens de scelere Cyloniano ¹. Lapidés argenteos vocat Pausanias ², aras Plutarchus ³ & Heraclides Ponticus ⁴, ac Zenobius ⁵ parœmiastes , omnes per Theophrastum. Iubebantur accusator & reus accusationem depellens , iis lapidibus aut aris insidere , accusator quidem ei cui nomen erat *contumeliæ*, reus autem ei cui nomen erat

i l. 2. de

leg.

² in At-

ricis.

³ in Solo-

me.

⁴ in fra-

gm. po-

litiarum

⁵ ad ap.

9205 n

deici-

erat *impudentiæ*. Significabant autem Athenienses indicta utrique parti. concertanti ea insistentia, criminatoris esse absque contumelia accusare, rei verò esse incerta probra absque impudentia depellere. Sic enim institutum illud Atheniensium rectè exposuit Iacobus Nicolaus Løensis. An criminator in hac causa, aræ contumeliæ instituerit, exoraturus à contumeliis indignis abstinentiam, viderit ipse: quanquam quæ ab eo intorta referemus, planè monstrabunt, quàm infeliciter litaverit. Nostrium erit ad atroces contumelias, & quibus vix possint acerbiores inferri, tenere moderationem, ac pudenter Deiparæ causam agere tametsi efficaciter, & ita ut in tuitione decorum tantæ matris, ac impactorum ei probrorum non prævaricemur. Esto, atrocitas contumeliarum quibus pia sententia ejusque assertores impetuntur, robustiorem cœni regectionem admitteret.

¹ libro de legibus.
² lib. 5. miscell.
c. 7.

S. X.

Labes Prima, quod hujusmodi titulus sit contra omnes Patres, eluitur.

35. QVOD sententia tribuens *Conceptioni*, titulum *immaculatæ*, dicitur esse contra omnes sanctos Patres, & Antiquos Do-

ctores, atrociter injuriosum est illius sententia¹ assertoribus. Hoc enim perinde est, ac si diceretur, eam sententiam esse hæreticam. Ratum quippè est in Dei Ecclesia, doctrinam sanam eam esse habendam, quæ est conformis communi sensui sanctorum Patrum. Id enim est idoneum argumentum verbi Dei, vel scripto comprehensi, (cujus explicatio ad communem sensum Patrum est exigenda, ut sanxit Tridentinum Concilium²) vel certè verbi traditi, ac per manus ad nos transmissi, ut fusiùs exponunt Carbo³, Molina⁴, Gillius⁵, passimque qui declarant locos Theologicos; vel fundamenta ad ferendas de propositionibus Censuras aperiunt: viceversa demonstrantes, doctrinam cum sensu communi sanctorum Patrum pugnantem, reprobam esse, & hæresi vel errore sordere. Hoc adversarii, de sententia immaculatam Conceptionem approbante, non ausint dicere; quia est manifestè contra Sixti I V decretum, in Concilio Tridentino confirmatum.

36. Solus post Sixtum Bartholomæus Spina, ut erat homo nominis sui, & supra Hipponactem mordax, ac ut Catharinus de eo scribit, *terribiliter ac infrunitè loquens, adeò acutè ut spinam esse, facile agnosceret*; ausus est, piam illam sententiam damnare hæreseos:

Et

¹ sessio 4.

² l. 4. c.

19. in-

trud. ad

Theol.

³ l. p. 9.

l. art. 8.

⁴ l. p. l. 1.

trac. 7.

cap. 13.

num. x.

Et acerbissimè scripsit in Cajetanum, tametsi Magistrum Ordinis Generalem, ob ea quæ habet 1. 2. q. 81. art. 3. Ibi enim præmittit Cajetanus, de fide esse, quod omnis utriusque sexus, ab Adam secundum rationem feminalem proveniens, ex ipsa sua generatione sit obnoxius peccato Originali: quia aliter non indigeret redemptione per Christum: quod dicere, esset hæreticum: quamvis ad indigentiam redemptionis, sufficiat obnoxium fuisse peccato Originali, illudque incurrisse, vel in actu, vel in necessitate habendi illud: neque enim solum redemptione eget, actualiter captivus, sed etiam obnoxius Captivitati. Hæc omnia ibi Cajetanus, qui subdit: *Et hæc bene notabis tu Thomista, ne nimio zelo, non secundum scientiam, accensus, erronea dicas, quæ erronea non sunt, cum de Beatissimæ Virginis Conceptione disputas, aut prædicas.* Hæc sapientissima Cajetani monitio, adeo pupugit Spinam, ut oblitus pudoris, eadem petulantia in Cajetanum bacchatus sit, quâ solet in Scotum, aut Scotistas: ut videre nominatim est, in digressionibus quas intexuit lectionibus sancti Thomæ in Metaphysicam, filum canabinum admodum crassum, aureo subtegmini immittens. Adeo enim ibi inhorrescit ejus scriptio ut nullus sit rhamnus aut paliu-

rus horridior. Contendit itaque Spina, malè pronunciaſſe Cajetanum, quòd non ſit dam-
nanda hæreſeos, exclusio peccati Origina-
lis à B. Virgine, dummodò admittatur ha-
buiſſe contrahendi illius peccati debitum,
niſi divina præſervatio actum excluſiſſet.
Hæc audiens Spina, continet aures ſuas, &
impetum facit in Cajetanum; integro ad-
verſus eam Tractatu, qui inter ejus Opus-
cula legitur, editus longè poſt Cajetani
obitum, pervicaciter & obſervatè conten-
dens, hæreticum eſſe, negare quod B. Virgo
reiſa, & actu contraxerit peccatum Origina-
le. In quo Spina, quantumcunque lave-
rit ſe nitro, & multiplicaverit ſibi herbam
borith, non poteſt purgari à gravi culpa,
aut eximi ab excommunicatione per Six-
tum priùs intorta. Adverſarios autem cum
quibus nunc res eſt, exiſtimo cautiùs age-
re. Abſtineant ergo necesse eſt, infami illa
nota, quà piam ſententiam inuſſerunt, di-
centes eam eſſe contra *communem ſenſum*
omnium ſanctorum Patrum, & antiquorum Do-
ctorum: hoc enim perinde eſt ac dicere,
eam eſſe erroneam, vel hæreticam.

37. Abſit verò ut admittamus, ſanctos
Patres, & antiquos Doctores omnes, ſtare
ab Adverſariis. Quinimo maxima Patrum
pars, contrarium habet: & ex omnino
multis

multis quos Bandellus allegabat , pars non modica infideliter citatur , & per adulterationem manifestam , ut jam infinities est monstratum à gravissimis recentioribus : pauciq; illi qui pro adversariis esse videntur, ferè agunt de debito contrahendi peccatum Originis : cui debito, (quidquid recentiorum , plerique ad alterum extremum progressi statuunt) verisimilius est subjacuisse Deiparam. Vix aliud intendisse Patres, cum aliqua dixerunt, quibus in speciem visi sunt minùs attentis, adversùs immaculatam Deiparæ Conceptionem sentire , monstratur in Diptychis Marianis ¹, post Thomam de Ar-
gentina ², Petrum Canisium ³ , & Cathari-
num in Cajetani impugnatione ⁴.

38. Quod si liberet concedere , Patres olim favisse adversariis , (quod nunquam dabo) in promptu esset responsio quam ipsimet FF. Prædicatores jam olim sugges-
serunt , cùm anno 1524, Hispali in Manuali
ab ipsiis edito , sic edixerunt. [Quia Ordo
Prædicatorum , solitus est sanctorum Do-
ctrinæ adhærere ; defendit huc usque opi-
nionem quod B. Virgo fuit concepta in
Originali. Sed jam de hoc non est curan-
dum ; cùm Materia sit nullius utilitatis , &
valdè scandalosa : præsertim cùm tota ferè
Ecclesia , cujus usus , & autoritas secun-

¹ par. 2.
² punc. 2.
³ a num.

27.
⁴ in 3. d.

3. q.
Vnica
art. 1.
³ l. De
Deip.
cap. 7.
4 l. 4. a
p. 291.

dum B. Thomam prævalet dicto Hieronymi, & cujuscunque alterius Doctoris, jam asserat quod fuit præservata. Nec mirum, quia tempore Augustini, tanta quæstio erat de Assumptione Beatissimæ Virginis: Unde dicit: Homo non fingat mendaciter apertum, quod Deus voluit manere occultum. Et tamen jam universaliter tenet Ecclesia, quod sit assumpta in corpore & anima; & oppositum nullus auderet jam opinari.] Firmarunt hæc magna ex parte, ejusdem Ordinis Patres, in Capitulo Vallisoleto anno 1605. Itaque quamvis negamus, Patres (majori saltem ex parte) favisse adversariis, & paucos illos quos in speciem pro se habent, facile explicationem admittere, merito contendamus; tamen etiam si Adversarii, contrarium evincerent (quod nunquam facient) potior debere esse sensum Ecclesiæ liceret repone: ut vides ipsosmet FF. Prædicatores agnoscere, post S. Thomam¹.

¹ 2. 2. q.
10. art.
12.

39. Quod verò nominatim Cletus, urget Sanctissimum Dominum Innocentium, ad agnoscendam Conceptionem Deiparæ maculatam, exemplo decessorum suorum, Innocentii secundi, & Innocentii tertii, ac Innocentii quinti, Sanctis Patribus merito annumerandorum, cum fidelium omnium

nium Patres fuerint ; non simpliciter , sed subdolè est factum. Nam Innocentius quidem secundus , quo libro scripserit quod ex eo allegatur , mihi incompertum est. Vnicum enim ejus opus, quod in Canticum Canticorum exarasse dicitur , & in Bibliotheca Sancti Galli apud Helvetios asservari ferunt, necdum Lucem vidit. Quod si igitur vocantur hic quæ non sunt , tanquam ea quæ sunt ? Hæc sanè Innocentii secundi allegatio primùm facta est à Vincentio Bandello de Castro Novo. At hic autor adedò infrunitè mendax in allegandis Patribus atque Doctoribus deprehensus est , ut suos quoque puduerit tot falsiloquiorum, truncationum , adulterationum , supposititiarum allegationum quibus universa Bandelli scriptio exuberat. Sed ut res se habeat , verba quæ ex Innocentio secundo allegantur , facilem admittunt explicationem. Monstrans enim quàm differens fuit Evæ & Deiparæ nitor ; ait , illam absque culpa conceptam , filios cum culpa concepisse : Mariam verò ita esse in culpa productam (nempe vi generationis ordinariæ ex Adamo , ac nisi divina præservatio intervenisset) ut tamen filium sine ulla culpa produxerit. Quæ verborum Innocentii explicatio , est per se fluens , & expedita ; nec minus

nus congruit, quàm expositio illa generalium locutionum scripturæ & Patrum, quibus universè asseritur, non esse hominem qui non peccet; & justos quoque, septies in die cadere, ac neminem in mundum esse à forde, saltemque à labeculis minorum peccatorum: Et tamen certum est ex fide, B. Virginem illis locutionibus non comprehendendi, ut declaravit Concilium Tridentinum, tametsi locutiones sunt universales, & veræ; quia comprehensuræ quoque essent B. Virginem, nisi speciali privilegio divinitus fuisset communita, & ne laberetur, prohibita. Aliam loci Innocentii interpretationem mox dabo tractans locum secundum ex Innocentio tertio, cujus est locus qui allegatus est tanquam Innocentii secundi, ut plures Innocentii, minùs faventes Deiparæ, ingererentur Innocentio X.

40. Non minùs facilè expeditur Innocentius tertius: qui sermone quem habuit cum adhuc esset Lotharius, Canonicus Regularis, tantùm ait, B. Virginem fuisse mundatam à peccato Originis: quod est accipiendum eodem sensu, quo apud D. Ambrosium?, *Caro Christi* dicitur fuisse à *Spiritu Sancto expiata*; quod idem est atque *mundata*. Sicut ergo non idcirco *Caro Christi* ullis peccati sordibus fuit inquinata, ut *expiata*

¹ *Serm. de Purit. B. Virg.*

² *in cap. 8. ad Rom.*

piata & mundata in sensu quem cortex vocis præfert, dici potuerit: sed dicta est *expiata*, sive *mundata*, quia, tegente Deo, ab omni labe mansit immunis; Ita idem proportionem statuendum est, de Deiparæ mundatione à peccato Originali. Id quod multo magis de ea valet, quàm de Christo, qui nulla ratione poterat esse peccati sordibus obnoxius; quibus subjacuiſſet Deipara nisi obstitisset divina præservatio; quæ fuit virtualis & anticipata mundatio. Sicut etiam redempta à Christo dicitur, quamvis nunquam fuerit serva peccati, & captiva satanæ; quia præventa est ne captivaretur: quæ fuit anticipata & virtualis exsolutio à captivitate, & gratiosior liberatio, quàm si post incursum servitutis, annumeratum esset litrum, & pretio comparata libertas. Opponi præterea ex Innocentio tertio solet, illud ex sermone ejus secundo de Assumptione B. Virginis, inter pertractandum anthitheses varias quibus Eva & Maria contraponuntur. [Illa (Eva) fuit sine culpa producta, sed produxit in culpam. Hæc autem (Maria) fuit in culpâ producta, sed sine culpa produxit.] Hæc antithesis nullo negotio retinetur, salvo nitore Conceptionis passivæ Deiparæ, si illæ voces *in culpa producta*, referantur ad culpam parentum Deiparæ,

paræ, generantium prolem cum sua aliqua culpa. Nihil quippè proclivius est, quam ut conjuges quantumvis pii & sanctitate præditi, culpam aliquam admittant in usu conjugii, abripiante vehementis delectationis illice voluntatem, aliquatenus ultra recti exquisitè sumpti terminos. Quod enim Lactantius ¹, etiam vehementem libidinem in proprio thoro, culpa carere pronunciavit, accipiendum est de carentia culpæ gravis, non autem de omni prorsus culpa, quam perfacile in tali opere obrepere, sæpè docet D. Augustinus, & desertè quoque S. Fulgentius ². Et ad illius incendii temperationem in Ecclesia Christiana ex usu perantiquo, de quo Turrianus ³; innuiturque etiam à S. Paulino in calce Epithalamii Iuliani & Iæ, conferre censetur Sacerdotalis benedictio, ante conjugii usum præmitti solita, cujus quamvis aliæ præterea sint utilitates, hæc tamen non est exigua, quod interventu piæ illius apprecationis, & precum sanctificantium, quasi ventus roris fornacem Babylonicam perflet ac temperet ne in æstus illos effervescat, de quibus Serarius ⁴ ad monitum Angeli datum Tobię juniore, conjugium ineunti. Quamvis ergo parentes Virginis essent sanctissimi, nec dubium sit quin conjugale com-

¹ lib. 6.
instit.
cap. 16.
& 23.

² l. de
fide ad
Petr.
cap. 3.
³ lib. 5.
contra
Mag.
deb. c. 3.

⁴ in c. 6.
Tob. 4.
16, &
17.

commercium exercuerint in omni iustitia & sanctitate coram Deo: Tamen Innocentius captans antitheses inter Evam sine ulla prorsus culpa à Deo ipso procreatam, & B. Mariam à parentibus humano more procreatam, ingessit mentionem leviculæ alicujus culpæ, quæ saltem ut plurimum, aut etiam ferè semper parentibus conjugio ex se immaculato utentibus, obrepit; & ut talis quædam labecula in eo ipso commercio ex quo B. Virgo est procreata, levissimè sanctos illos conjuges maculaverit, cogitare potuit. Qualiscunq; verò atomus (ut ita dicam) culpæ, satis Innocentio fuit ad contrapositionem & antithesim Evæ ac B. Mariæ circa illius effectum absque ulla culpa, & hujus Conceptionem activam cum culpa; non ipsius Virginis, sed parentum activè eam concipientium. Non consentior quidem huic Innocentii dicto tanquam certo, qui alibi ostendo, commercium parentum B. Virginis ex quo ipsa prodiit, fuisse undecunque nitens ex speciali Spiritus Sancti providentia. Tantum aperio, quid Innocentio sit visum, & in quo ipse antithesim ortus primæ ac secundæ Evæ constituerit, quoad unius plenum nitorem penes causam efficientem, alterius verò nonnullam maculam in eodem causæ

ge-

genere , absque ulla tamen effectus producti five B. Virginis labe.

41. Tandem summus Pontifex Innocentius V , nihil tale dixit quale ex eo allegatur : nimirum quod *B. Virgo fuit in utero Matris sanctificata, non ante animationem quia tunc gratiæ capax non erat ; nec etiam in ipsa animatione , quia tunc Originale peccatum non contraxisset ;* & sic non eguisset universali Christi redemptione , quod non est dicendum. Sed piè considerandum est , quod citò post animationem , non tamen ipso momento , à peccato fuit per gratiam mundata & sanctificata : aliter fuisset æqualis puritatis cum Christo. Hec non est dicendum. Nihil horum dixit Papa Innocentius V , sed neque apud F. Petrum de Tarentasia , Ord. Prædicatorum , in Romanum Pontificem postea assumptum , & nomine Innocentii quinti donatum , tale quid revera legitur. Imo ipse in 3. d. 3. planè tradit contrarium , & Conceptionem Deiparæ agnoscit fuisse immaculatam. Quod si alicubi dixisset quæ ex eo sunt prolata , facile esset respondere , non esse adscribenda Innocentio , quæ F. Petrus in Cœnobio dixerat , cum ejus doctrina multis fursuribus scateret : in quibus cribandis , laborandum fuit Sancto Thomæ, jussu Magistri Generalis Ioannis Vercellensis;

lis; qui centum & octo propositiones ex libris Petri de Tarentasia, censendas miserat ad S. Thomam. Possit verò & ipse Petrus, de se jam Pontifice, dicere, quod Dux Aurelianensis, evehctus in Regem Francorum Ludovicum XII, reposuit; francorum Regis non esse, pro Duce Aurelianensi agere. Quod si Adversariis hæc pro Innocentio V, responsio non facit satis, cogitent quod respondeant, si urgeantur autoritate Alexandri V, qui in 3. dist. 3. cum esset F. Petrus de Candia Ordinis Minorum, stetit pro Conceptione immaculata, eamque apertissimè comprobavit. Hæc strictim ad auctoritatem omnium Patrum, qua Linus, piam sententiam immaculatæ Conceptioni patrocinantem, gravabat.

S. XI.

Extergitur labes secunda quod Titulus Immaculatæ Conceptionis omnes Priscos Doctores habeat Adversantes.

42. **I** Am quod Doctoribus omnibus Antiquis, adversari dicitur pia sententia; per auxesim, imo prodigam veritatis dilapidationem, dictum esse, demonstrare

strare nullo negotio liceret, nisi id pridem alii diffusissimè monstrassent. Et verò an non Schola Scotistarum, multos & insignes habuit antiquos Doctores? At ii ad unum omnes, à primo, qui vel S. Antonius Patavinus, vel Alexander Alensis habendus est, ad hodiernos omnes, stant acerrimè pro Conceptione Immaculata? Qua igitur fide jactatur, omnes antiquos Doctores impugnasse Conceptionem Immaculatam? S. Antonium Conceptioni immaculatæ adhæsisse, loca ex eo ab aliis annotata, fidem faciunt: nec ex fide allegatur in contrarium, serm. de Nativ. B. V. cum nullus talis apud eum extet sermo. De Alexandro Alensi, dictum est in Diptychis. S. Bonaventura ^{in 3. d.} ^{3. q. 2.} visus est maculatæ Conceptioni patrocinari in Commentariis tertii sententiarum, quia tunc junior erat, & Mauriti Episcopi Parisiensis interdictum, scribentes in Gallias, angebat: sed regressus in Italiam & senior factus, contrarium sensit. Hæc ejus verba sunt, serm. 2. de Nativ. B. Virginis ad finem Tomi tertii. [Domina nostra, fuit plena gratia præveniente in sua sanctificatione: Gratia scilicet præservativa, contra sceditatem Originalis culpæ, quam contraxisset ex corruptione naturæ, nisi speciali gratia præventa præservatâque fuisset:

fet : Solus enim filius Virginis , fuit ab Originali culpa immunis , & ipsa mater ejus , Virgo. Credendum est enim , quod novo sanctificationis genere , in ejus Conceptionis primordio Spiritus Sanctus eam à peccato Originali , non quod infuit , sed quod infuisset , redemit ; atque singulari gratia præservavit.] Similia habentur in 1 , & 3 , sermone. Et in hoc postremo allegantur duo anteriores sermones : & proferuntur indidem verba quædam , ex proximè recitatis , spectantia immunitatem Deiparæ ab Originali peccato ; ut videas , quàm vana sit conjectura Angeli Roccæ , qui sermonem illum secundum è quo plagulam carpsimus , abjudicat S. Bonaventuræ , eo quod ibi S. Bonaventura clarè agnoscat immaculatam Conceptionem , quàm in 3. sentent. negaverat. Sed meminisse oportuerat Roccam , duodecim esse horas diei : Et unum ac eundem autorem , pro varietate divini luminis , posse priorem sententiam quam falsam deprehenderit , recantare.

43. Idem de S. Thoma pronunciat Guilielmus Vorri longus : eum scilicet nunc ^{in 3. d.} hoc , nunc illud de hac re tradidisse. Nam ^{3. d. 44.} in 1. sent. ^{9. 1.} explicatissimè negat B. Virginem contraxisse peccatum Originale. Alia ^{art. 3. ad. 3.}

ex eo loca signantur in Diptychis ; ubi etiam admonetur , apud aliquos suspensionem esse adulterationis in q. 27. tertiæ partis artic. 2. ad 4. Sicut constat varias fermentationes (maximè circa hoc negotium) ab aliquibus passum esse S. Thomam. Similiterque Albertus ¹, qui passim citatur contra Immaculatam Conceptionem , adulteratus est manifestè. Sic enim allegatur. [Dicimus; B. Virginem contraxisse Originale peccatum , nec fuisse sanctificatam ante Conceptionem , nec in Conceptione ; sed post Conceptionem. Dicere autem oppositum, & hæresis condemnata à B. Bernardo, & ab omnibus Magistris Parisiensibus.] Sic quidem Albertus, ex fide infida allegantiū illum contra Conceptionem Immaculatam; contra quam revera nihil habet ; cum tantum ista scribat. [Dicimus quòd B. Virgo non fuit sanctificata ante animationem. Et qui dicunt oppositum , est hæresis condemnata à B. Bernardo in Epistola ad Lugdunenses, & à Magistris omnibus Parisiensibus.] Heu prisca fides ! Possem similiter ex aliis Ordinibus , aut ex secularibus proferre multos antiquos Doctores , si res ferret. Sed hoc specimen esse satis videtur , ut liquidò appareat , quanta cum prodigalitate veritatis , Adversarii asserant sententiam adver-

¹ in 3. d.
3. art. 4.

adversantem Conceptioni Immaculatæ, esse omnium antiquorum Doctorum.

Non priùs hinc excedo, quàm notaverim, Originem nonnullius varietatis quæ in scriptis priscorum Scholasticorum deprehenditur, dum eorum aliqui quandoque agnoscunt Conceptionem Deiparæ esse immaculatam, quam alibi tradunt fordisse peccato Originis. Verisimile est eos alicubi cum scilicet nitorem Conceptionis agnoscunt, expressisse sensum suum. Aliàs autem profitendo contrarium, expressisse sensum alienum, & adactos servisse tempori. Cum enim utraque pars videretur posse probabiliter sustineri, & suppeterent haud inania fundamenta, quibus innixi, sive hanc sive appositam partem firmarent, facilè eveniebat, ut cum liberum erat expromere sensum suum, piæ sententiæ suffragarentur: cum autem metu accersendi sibi aliquod incommodum, non possent aperire rotundè ac syncerè mentem suam, servirent tempori; quod in re minùs tunc explorata, & utrimq; in speciem probabili, fas esse videri poterat, & in rebus opinabilibus factum sæpè à Sanctis & à Philosophis notavit Gabriel¹: Quia ergo

<sup>1 in 4. d.
4. q. 1.
art. 3.
dub. 2.</sup>

Mauritius Episcopus Parisiensis, ex suo peculiari sensu quod conceptio Deiparæ fuisset

set maculata peccato Originis, interdixerat celebratione festi Conceptionis B. Mariæ, in Ecclesia Parisiensi, & ejusdem Academiæ Doctores assertionem Conceptionis Immaculatæ propugnare vetuerat; plerique Scholastici Doctores, ne exautorarentur, aut Episcopi & partiariorum ejus offensio- nem incurrerent, Parisiis docendo aut scribendo, contra Conceptionem Immaculatam steterunt; cui alibi scribendo, ubi cessabant causæ induendi sensum contrarium, haud inviti suffragabantur. Decreti à Maurilio editi meminit Altissiodorensis¹. Sunt- que qui illud decretum consignent an. 1175. Ab eo igitur anno usque ad annum 1346, quo constat de contrario decreto Parisiis edito, & indicta emissionem juramenti omnibus Doctoribus de tuendo nitore Conceptionis, aliqui Doctores, nunc unum, nunc aliud visi sunt tradere. Nempe Parisiis ut scenæ fervirent, docendo Conceptionem maculatam; alibi verò ex sua mente, tradendo fuisse Immaculatam. Affine est quod nunc videmus in Gallia, prudentiores Thomistas, de suggesto sive templorum, sive Scholarum, ne incurrant in odium omnium, & grati sibi accersant gravia damna, publicè docere Conceptionem Immaculatam. Pater de Landes, qui postea in Episcopum assumptus

¹ lib. 3.
summa
tract. 1.
cap. 3.

sumptus est, cum Lugduni ad S. Crucem Conciones per adventum haberet, explicatissimè pro Conceptione Immaculata stetit, cum primaria illa Galliarum Ecclesia nitori Conceptionis addictissima, dejectionem de sacro suggesto, Concionatori si sensum ipsius convelleret, vel intentasset, (ut fama erat) vel irrogatura non dubitaretur. Frustra signarem alia singularia exempla, cum hodièque videamus apud Hispanos & Lusitanos, qui volunt de gradu decedere & cathedris ineundis prohiberi, vel de jam initis deturbari, contra privatum sensum suum cui in cœnobio inhærent, stare publicè pro Conceptione Immaculata, & Sacramento de ea pro suggesto tradenda se astringere haud illubentes. Idem ergo accidisse potuit plerisque Scholasticis Parisiensibus, maculatam Dei paræ Conceptionem aliquando tradentibus, ob vigens tunc Mauritiæ Episcopi decretum; cum aliàs ubi liberè poterant, starent pro ejusdem Conceptionis nitore. Sic potuit fieri ut Hervæus Magister Generalis Dominicanorum, cum in 3. d. 3. professus esset Lutetiæ Conceptionem maculatam, eidem prorsus nitenti patrocineretur in 2. ad Corinth. ad Caput 5. Item ut Paludanus qui eadem d. 3. Parisiis docens,

peccatum Originis B. Virgini adscripserat, factus Panharcha contrarium tradat, & quidem explicatissimè ac ferventissimè, tribus de Conceptione sermonibus. Alensis in summa Lutetiæ exarata, inhæret decreto Mauriti, cujus contrarium integro opere alibi tradidit factus sui juris. Non est inverisimile, referendum esse ad hanc Originem, SS. Thomæ ac Bonaventuræ hac in parte varietatem, nunc unum, nunc oppositum in hac controversia tradentium.

§. XII.

Eluitur Macula tertia, quod Titulus Immaculatæ Conceptionis, Definitione Apocrypha Concilii primi Apostolici, in libris plumbeis Graventensibus consignata, nitatur.

44. **C**Riminantur præterea Adversarii, quod innitamur Apocryphis, id est vanis & nullius momenti definitionibus Concilii Apostolici; quo refertur lata hæc definitio. *Illa Virgo, illa Maria, illa sancta, præservata fuit à peccato Originali, in primo instanti suæ Conceptionis; & libera ab omni culpa. Et qui ita non senserit, non consequetur salutem æternam.* Huic decreto, non admodum

dùm innititur sententia pia, ut in Diptychis monstratur ¹. Quanquam quod ibi dicitur, Pontifices affirmantes, Ecclesiam nihil adhuc de Immaculata B. Virginis Conceptione definivisse, enervasse totum illius decreti vigorem, agnosco faciliè infringi posse, dicendo Pontifices egisse duntaxat de Ecclesiæ definitionibus tunc compertis; vel planè exploratis, qualis non est ista, de qua adhuc sub Iudice lis est: nec nisi anno 1596 in apertum erupit.

45. Cæterum quod ad libros plumbeos Granatenſes attinet, quibus hæc definitio continetur, quamvis (ut dixi) non eis admodum innitatur pia sententia: admonendi tamen videntur Adversarii, ut posticæ sannæ temperent, nec præcipiti impetu in eorum depreciationem abripiantur. Nam libri illi, hoc ipso tempore, Romæ, mandante summo Pontifice, accuratè examinantur, adhibito cœtu numeroſo peritorum, & exoticarum linguarum cognitione, & Doctrina Theologica illustrium: à quibus audio nihil adhuc notatum esse in laminis illis, quod à Catholica veritate dissentiat. Immeritò igitur, pendente Iudicio coram sedis Apostolicæ delegatis, Linus, suo præiudicio gravat eas laminas, quia circa passivam Deiparæ Conceptionem (non

enim circa Activam, ut parum aptè contendit Bivarius ¹⁾ aliud ferunt, quàm quod ipsi arridet. Et quocunque tandem inclinaturum sit Ecclesiæ de illis laminis iudicium; tam antiquum, tamque luculentum pro Immaculata Deiparæ Conceptione, testimonium; non fuit flocci faciendum à Lino, cui minutalia pro contraria parte, sunt tanti.

§. XIII.

Labes quarta fœdissima, quod Titulus Conceptionis Immaculatae, fundetur in confictis miraculis, defricatur. Ioannes Eusebius Nerembergus, à turpi dehonestatione purgatur.

46. **N**Vmerantur insuper, in nostris piæ sententiæ fundamentis, conficta miracula. Non repono illud S. Hieronymi ²⁾.

^{2) l. cont. Lucif. c. 4.} [Solent oculis clausis denegare, qui non credunt factum esse, quod nolunt.] Hoc

non repono, sed tantum dico, quæ in hanc rem conficta sint miracula, quibus pia sententia innitatur, me prorsus latere. An enim

^{3) lib. 4. contra Cajet. 5. quod vero pag. 357.} curationes illæ in suspicionem vocantur, quas Catharinus ³⁾ suo tempore exortas dicit, interpellato Deo per immaculatam Deiparæ conceptionem; qui idem addit,

dit, nosse se personas fide dignas, quibus gratiæ admirabiles in nomine *Immaculatæ Conceptionis* obtigerunt, nec ferendos putat qui ista despiciant. An figmenti damnatur, narratio miraculi in urbis Granatensis de Mauris receptione per Ferdinandum & Isabellam. Ferunt enim eos frustra connisos in Maurorum depulsionem, cum omnis spes præclusa videretur urbe potiundi, votum concepisse de fabricando templo sub titulo *Immaculatæ Conceptionis*, si Deus urbem illam venire in potestatem ipsorum annueret. Voto autem emisso, mox urbe citra difficultatem esse petitos, & reos se voti profitentes, illud exolvisse. An similiter figmenti insimulatur narratio liberati apud Bommeliam Hispani exercitus? Ferunt enim, cum fames obsessos consumeret, simul hyemis rigor malè multaret, & eluviones aquarum ad desperationem propè urgerent, nocte quæ sacram Virginis Conceptæ diem antecessit, ventum adeò validum esse excitatum, ut aquas per campos latè stagnantes, adstrinxerit; magno conclusorum bono, à quibus hostes abscedere sunt adaacti, veriti ne gelu comprehensis navigiis, hærerent. Nec ita multo post ab eorum recessu, gelu repente defluxit, quasi perfunctum officio, ac obsessis qui immaculatam Conceptionem

nem (occasione tabulæ sacræ intra fossam humum repertæ , qua pura Deiparæ conceptio exhibebatur) adhibuerant exorandæ tutelæ pignus ; unde etiam grati beneficio, mox societatem conflagrant eorum qui se immaculatæ Conceptionis milites dixerunt, suscepto primùm per Belgium , tum in Hispanias diffuso sodalitio. An spurcum Sacerdotem in peccatis suismersum , quem Guaguinus ad calcem poëmatis memorat à Deipara excitatum , jussu celebrare Conceptionem immaculatam, fabulis accensent? Hæc & similia pro immaculata Deiparæ Conceptione miracula, cur figmenti arguerentur , me latet.

Nolo tamen dissimulare nuperos rumores clancularios, de fictitio nupero miraculo ad astruendam immaculatam Deiparæ Conceptionem. Vnde suspicio ingeritur , prodiiisse ab hoc ipso calamo, infamem prorsus Censuram , qua nuper apud Eminentissimos Congregationis Indicis Patres , dehonestatus est scriptor magni ubique nominis , Ioannes Eusebius Nirembergius , occasione vitæ S. Ignatii de Loyola, ab ipso conscriptæ. Præcipuum enim caput quo tantus vir gravatus est , illud fuit ; quod confinxisset miraculum in subita depulsione ægritudinis à P. Iacobo Laynes ; cum is ex diutina quar-
tana

tana laborans , pro immaculata Conceptione per aliquot horas egisset ad Tridentinam Synodum : cui ut Sixti IV Extravagantem confirmaret , & B. Virginem decreto de peccato Originis comprehensam noller, qua pollebat ingenii vi, & Doctrinæ ubertate persuasit. Figmentum id esse, pronunciavit Censor, & probavit, quia decretum de peccato Originali , latum est sub Paulo III, cum Laynes ad Concilium Tridentinum missus sit à Pio IV.

47. Hoc verò est in gravissimi scriptoris famam , indignissimè simul & malignissimè grassari ; ac Eminentissimis Congregationis Præpositis , impudenter admodum imponere. Quæ enim fuit ea ignorantia supinitas , vel potiùs malitia excœcans , ut è triplici Laynis ad Concilium Tridentinum professione , solam tertiam , atque postremam signaret, præteriens primam, qua Laynes , non ut Generalis Societatis Præpositus , (qualis tertia illa vice erat) sed ut Theologus summi Pontificis , Concilio interfuit , & pro Conceptione Immaculata egit potentissimè. Probatio veritatis hujus in promptu est. [Nemo (juxta Ennodium, aggredientem ad vitam S. Epiphaniï Tici-nensis) sub oculis præsentia penè & nimium nota commemorat , nisi qui de veritate

tate confidit.] At Petrus Ribadeneira, qui Laynis acta chartis commisit, cum adhuc negotium veluti caleret, narrationem de qua agitur, publico dedit. Et Iudices Pontificiorum Theologorum in Tridentino Concilio, Laynem minimè præterierunt, cum tamen sub Pio, aliam quàm Theologi Pontificii Personam sustinuisse sit exploratum. Itaque quod Ioannes Eusebius Nierembergius, confinxisse miraculum ad fulciendam Conceptionem Immaculatam dictus est, & eo nomine nigro theta notatus, impostura apèrta Censoris fuit, sive per ignorantiam supinam, sive per malignitatem, accersere conantis infamiam scriptori de Ecclesia & re Literaria benemeritissimo. Suspicionem quam alii ingesserunt, de notato Nierembergio, & illo ejus opere figmenti obtrusi insimulato, malo vanam censerì. Scripsit ibidem Nierembergius in ultima editione c. 4. S. Ignatium Loyolam hausisse affectum erga conceptionem Deiparæ immaculatam, ex miraculo quod Manresæ ubi vir sanctus vitæ piissimæ tyrocinium posuit, erat tunc vulgatissimum. Rem, sic gestam describit. Sacerdos probus ac pius, Manresæ, quosdam pueros erudiebat. Eorum unum ob noxas, cum nonnullo fortassis excessu castigavit, unde tanta inferbuit
puelli

puelli patruo bilis, ut impacta fida Sacerdotem letho dederit. Cumque elato intra Ecclesiam funere, dum iusta ritu Christiano persolvuntur, cadaver in feretro jaceret, astante & sacrorum hominum & laicorum multitudine pium virum quem omnes venerabantur & impensè amabant, supremis officiis prosequente, magno omnium stupore, resedit mortuus & cœpit loqui; suum erga Deiparam affectum referens, quo per vitam universam flagraverat. Vnum tamen fuisse, ob quod anima iussa esset ad corpus regredi. Nimirum quod dum viveret, censuisset, B. Virginem conceptam fuisse in peccato Originali. Hanc unam ob causam, iustum se à Deo ad vitam tantisper revenire, ut purissimam & omnino immaculatam Deiparæ Conceptionem passivam, retractata sententia, cui vivens inhæserat, profiteretur. Retexit dicta illa sua anteriora pius Sacerdos, & Deiparam in Conceptione sua prorsus nitentem, ac parentalis labis expertem professus, munere sibi concredito perfunctus, placidè obdormivit. Rem gestam picturæ in Claustro Collegiatæ Ecclesiæ urbis Manresæ, à tempore quo inibi contigit, repræsentant. Et cum aliqui eas picturas obduci cuperent, repetitis à Quæditorum Barchinonensium tribunali accuratissimis disqui-

disquisitionibus, comperta & omni fide testata veritate, nihil evicerunt, miraculi veritate per sacros Quæsitores firmata. Descripsit hoc miraculum Eusebius Nierembergius, & ex eo vir doctissimus Sebastianus d'Abreu, in suis omni accuratione conscriptis ad 1.2. S. Thomæ Commentariis¹; quibus non Eborensem duntaxat Academi-
¹ *Tract.*
^{5.} *disp.* 6.
^{sect.} 4.
^{num.} 36.
 am, cujus Cancellarium egit summa cum laude, sed etiam Lusitaniam universam mirificè illustravit. Ob narrationem itaque adeò testati miraculi, impactam esse Nieremberg-
 gio sive à Lino, sive à Cleto, dicam confictorum pro immaculata Virginis Conceptione miraculorum, ut non nemo suspicatus est, ego quidem (ut præmisi) inanis suspicionis insimulo: præsertim quia in ea tanti Scriptoris Censura, quæ à malè feriatis Aristarchis sacrae Indicis Congregationi obtrusa est nihil tale annotatur, sed duntaxat, quod de curato Laynio retuli, in quo quisquis conficti pro immaculata Conceptione miraculi Nierembergium est criminatus, non eum revera asperit infamia, sed suam criminandi scabiem, aut ignorantiam, vel utramque simul, prodidit.

48. Mirum verò est, opponi nobis à Theologo Ordinis Prædicatorum, quod assertio immaculatæ Conceptionis, innita-
 tur

tur confictis miraculis ; aut ut ille Tullianos
manes inquietans dixit , *somniatis* ; qui sciat,
latere neminem, quid testes omni exceptio-
ne majores , de miraculis in contrarium af-
fictis , summa fide scriptis prodiderint.
Adigor prodere quæ pressa mallem , sed ur-
get criminantis importunitas , affingentis
nobis conficta miracula ad stabiliendam
Immaculatam Conceptionem , ut quod
Religiosissimi Scriptores , Trithemius ¹ ,
Laurentius Surius ² , Nicolaus Baselius ,
Nacleri continuator , & qui appendicem
ad Eusebii Chronicon apposuit ; item Pe-
trus Martyr Anglerius , ac Henricus Spon-
danus , non putarunt dissimulandum , nec
ipse quoque iusta necessitate adactus , dissi-
mulem. Surii dumtaxat verba adscribo, ex
Commentario de rebus sua ætate gestis ad
annum 1509. [*Eodem anno apud Bernates in
Helvetiis , quidam instituti Dominicani , incon-
sulto admodum ac temerè oppugnantes Immacu-
latam Virginis Matris Conceptionem , cœperunt
etiam commentitiis quibusdam miraculis & vi-
sionibus , suam apud vulgus opinionem tueri. Ab-
usi ad hoc erant quodam simplici fratre Laico ,
qui tamen rem omnem produxit in lucem , non-
nullaque alia egerant quæ viros graves & Reli-
giosos minimè decerent. Sed quia præpotens Deus ,
Matris suæ injurias haud facile sinit inultas*

¹ in Chron.
² Spanhe-
³ in histo-
ria re-
rum sue
tempe-
ris, ad
annum
1509,

abire, Bernates zelo permoti, (quippè qui id laudis eximiae, jure tunc referebant, quod essent ultores egregii, injuriarum Matris Dei) Lan- sanensem Episcopum, ut in eos inquireret, sunt hortati. Facta est inquisitio, & rei veritate com- perta, quatuor primarii Fratres Dominicani, de- gradati sunt, & inde flammis exusti.] Dedi ipsa Surii verba. Intervenisse Iulii II Pon- tificis Maximi auctoritatem, sicque Priorem, lectorem, Subpriorem, & Custodem Do- minicanorum, vivi-comburio extinctos esse, ob conficta miracula & visiones contra Im- maculatam Conceptionem: produnt alii ex citatis, ad annum notatum; nisi quod aliqui rem totam anno superiore consignant, ut Anglerius, ac Spondanus. Nam Bzovius, quia res domestica hîc agebatur, nec spe- ctabat denigrationem Fratrum Minorum, mutus est supra piscem. Itaque immeritò notamur, quod confingamus miracula ad stabiliendam Immaculatam Conceptionem. Talia, sententiarum quibus inhæserint fun- damenta conquirere, aliorum est, non nostrum.

49. Viderint verò qui hoc nobis impe- gerunt Adversarii, an eam notam quam Io- anni Eusebio Nierembergio, & assertori- bus Immaculatæ Conceptionis gratis inus- serunt, deprecari possint Hyacintho Coque- tio

tio Dominicano , autori libri cui titulus est, *B. Mariæ viscera materna, erga Ordinem Prædicatorum*. Eo opere, cum alia inaudita continentur ; tum illud nominatim cap. 16. quod P. Thomas de Lemos , cum coram summo Pontifice & Cardinalibus, de auxiliis divinæ gratiæ disputavit , transfiguratus sit ante eos ; & facies ejus , sive opponeret, sive responderet opponentibus, non absque stupore Purpuratorum Patrum , cœlestibus radiis resplenduerit : ita ut summus Pontifex, & Patres Purpurati, ac reliqui astantes, ea Cœlestis Lucis ubertate de vultu ejus promicante in confirmationem doctrinæ quam propugnabat , præstingerentur. Et monstratum inde notat Coquetius, quæ Pater Lemos de gratiæ auxiliis voluntati humanæ ineluctabilibus , ex clara S. Augustini , & D. Thomæ sententia differebat fundebatque, divinitus illi suggesta esse ; eumque non tam sua verba , quàm numinis oracula referre. Ex relatione quoque M. P. Bartholomæi Avignon, testatur, in iisdem disputationibus, Patrem Lemos , longissimas periodos , sententiasque ex Augustini, aliorumque sanctorum Patrum scriptis , coram Pontifice & Purpuratorum Patrum confessu , memoriter , dextrè , expeditè, atque accuratè recitasse, quas ipse nunquam antea memoriæ commendarat, sed singulari, ut ipsemet

*fassus est, Dei beneficio: hiat oratio defectu verbi; adjungendum igitur est, callebat. Addit præterea eo ipso loco Coquetius, quod idem P. Thomas de Lemos, ab Urbano VIII evocatus, ut de rebus gravissimis consulere-
tur à Pontifice, in ipso ad eum accessu, nifus sit majestatem præferens humana Augustio-
rem; & insolito, atque admirabili lumine vultu coruscans; Idque Urbanus, Cordu-
benfi Episcopo, & plerisque Regum Lega-
tis aperuerit. Item illud refert Coquetius, sanè illustre, quod ait spectasse Orbis Prin-
cipem Romam: Nimirum quod idem Pa-
ter Thomas de Lemos Conceptionis Im-
maculatæ, & eluctabilium gratiæ auxilio-
rum oppugnator indefessus, in extrema æta-
te, velut alter Tobias, cæcus factus, super
sacrificium tamen incruentum, quod quo-
tidie celebrabat, ocularetur; resumens cæ-
citatem, quoties re divina operatus, regre-
deretur. Sed illud luculentum inprimis à
Coquetio item vulgatum, quod ad ejusdem
Patris Lemos Romæ defuncti cadaver in
feretro expositum, quamplurimi concurre-
rint; (utique admoturi cadaveri sacras co-
rollas, & fixuri pia oscula venerandis mani-
bus) Et cum gratus tanto Magistro, nihilo
minor discipulus, Nicolaus Ricardius, cui
Monstro nomen, adesset; nec fortè posset
præ*

præ turba, non quia pusillus, sed quia crassior erat, ad feretrum propius accedere, Magistri jacentis manibus fixurus osculum, reverentiæ ac benevolentiae tesseram; ait Coquetius, cadaver Patris Thomæ, (mirum dictu) plurimis circumstantibus ac spectantibus, & scilicet stupore præ rei novitate defixis, sustulisse manum ad os usque Ricardii, ne expetitis osculis fraudaretur.

40. En densa miracula exarata à Hyacintho Coquetio Ordinis Prædicatorum, de Patre Lemos, qui Romæ obiit anno 1629, x Cal. Augusti: quorum nemo Romæ conscius est: & Coquetio talia poetanti, passim reponitur: *Tu dixisti.* Urbanus ipse, quo superstite vulgata sunt hæc miracula, demiratus fabulatoris impudentiam; negavit se unquam, vel Thomam de Lemos accersivisse, vel micantes de ejus facie radios conspexisse, aliisve tale quippiam à se visum retulisse. Nam de brachio ad Richardium exporrecto, & dexteræ sublatione, nunc primum, (tam recenti licet rei memoria) Romæ audita; commentum portentosum, ac verè montrosum, Æsopi quibusvis fabulis nugacius, obtrusit Coquetius eo libro; dignus cui reponatur ex illo Ennodii effato: [Scriptor præsentia scribens, præsumendus est vera dicere] cum nulla est adversus eum

præsumptio mendacitatis. E contrario autem, qui de rebus præsentibus, ac propè calentibus seminat mendacia, dignus est cui & de præsentibus, & de procul positis fides abrogetur. Liber ille si à Ioanne Eusebio, vel ab aliquo sociorum editus esset, illico feri fluctus marini, despumantes confusiones suas illum absorbuissent. Nunc quanquam Coquetii liber Urbani VIII mandato proscriptus est, tamen quia dat veniam corvis vexat censura columbas, censura eviguit, & liber impunè vænit. O æqualem Iustitiæ vigorem!

§. XIV.

Detergitur Labes quinta, quod Titulus Conceptionis Immaculatæ per commentitias revelationes invaluerit.

50. **D**icimur præterea, revelationum, ac visionum fabri, ad astruendam Immaculatæ Conceptionis veritatem; eique de primariis fundamentis uni, inædificatam esse sententiam de Conceptione Immaculata, opponit Linus, quod tamen à semetipso non dixit. Est enim qui neque Cleto neque Lino, de Zelo contra immaculatam Conceptionem non concedat, Bartholomæus Spina in Opere *de universali corruptione generis*

*generis humani*¹, de revelatione pro Concep-^{1 parte}
tione Immaculata sic Lino præivit. [Esse in^{5. c. 9.}
sanctitate conceptam B. Virginem, cum non
convincatur rationibus, nec ex sacris lite-
ris secundum Sanctorum expositionem ha-
beatur, sed potius invictè concludatur op-
positum ut superiùs visum est, non debet a-
liquem movere quæcumque revelatio indu-
catur. Et præcipuè cum persona ipsa cui
facta revelatio fertur, describatur infamis
& malæ vitæ fuisse, & res ipsa revelata,
magnum causaverit in Ecclesia scandalum
propter Doctores sanctos contradicentes,
ex intentione sacrae Scripturae & sacrorum
Conciliorum. Vnde potius timendum fuit
& pro certo tenendum, quod ab Angelo Sa-
tanæ, qui se transfigurat in Angelum lucis, ut
fideles sub specie sanctitatis deciperet, de-
ceptio ista processerit: Magis autem ut in-
ter ipsos fideles dissidium gravissimum cau-
saret, & contra bonos religiosos, & fidei
sanctæ pugiles invictissimos, persecutiones
gravissimas excitaret: gavisus est ipse Sata-
nas & continuè molitur. De qua tamen tri-
bulatione, non quærentes quæ sua sunt, sed
quæ Iesu Christi potius gaudent, & Deo
gratias agunt, quod pro nomine ejus, & pro
fide Catholica defensanda mereantur con-
tumelias pati & varias afflictiones incurrere.

Neque deest ipse Deus fidelissimis servis suis, faciens & in hoc mundo cum tentatione proventum, & in futura vita re promissam ac paratam coronam servans. Sed Diabolus nihil aliud inquisivit ex hoc à se causato diffidio, nisi ut sequerentur infinita scandala, sicut factum est. Sux autem præfatæ scandalorum parenti revelationi, se protinus opposuere sanctissimi Ecclesiæ Doctores & præcipuè Bernardus, declarans, eidem nullatenus adhibendam fuisse fidem, & detestans festum ejusdem revelationis assertæ gratia inchoatum.] Exscripsi fideliter verba Bartholomæi Spinæ, olim Magistri S. Palatii: qui sententiam de immaculata Conceptione, pro primario fulcro censet habere, revelationem, à Satana se transfigurante in Angelum lucis obtrusam Ecclesiæ, ad decipiendos fideles, & excitanda scandala atque diffidia, & bonorum (hoc est adversariorum immaculatæ Conceptionis) persecutiones ac vexationes. Et cum agat sine dubio de revelatione facta Herluino Abbati, probata S. Anselmo, & Ecclesiæ Anglicanæ illius temporis, mirum est quomodo Spina infigat aculeum in famam illius Abbatis, vocetque personam infamam; & quomodo dicat S. Bernardum esse detestatum eam revelationem.

Quæ-

Quæcunque verò fuerit persona cui facta est ea revelatio, & à quocunque privato sit rejecta, nos habentes firmiorem sermonem, revelationes privatas ad hanc rem parum moramur; non quod omnes revelationes, etiam rudium, aut piarum mulierum repudiemus: sed quod frequentibus majorum experimentis edocti, noverimus hic maximè locum habere. Apostoli monitum, *Omnia probate, quod bonum est tenete*; Auscultemusque optimo spiritualis vitæ Magistro Ioanni Charlierio, cognomento *Gersoni*, qui de probatione spirituum, & de verarum revelationum discrimine à falsis, commentarios reliquit, quibus quanta sit in hoc genere adhibenda cautio, pereruditè demonstrat, ac pro more suo admodum piè. Mirum verò est, hic quoque à Theologo Ordinis Prædicatorum hujus negotii consultissimo, opponi nobis fabricatas revelationes, ad stabiliendam Conceptionem Immaculatam. Oportuit enim hæc scribenti, robur & æs triplex circa pectus fuisse, quem latere non posset, quid ex Domesticis ipsis, Ambrosius Catharinus¹, excutiens Cajetanum, & Martinus Delrio in disquisitionibus Magicis², prodiderint de fabrefacta, cum è re fuit, S. Catharinæ Senensis revelatione, ad con-

¹ l. 3. pro
Imma-
culat.
Concept.
& l. 4.
in Cajet.
p. 374.
² lib. 4.
c. 2. q. 7.
seq. 4.

* In dis-
quisit.
de Mag-
dalena.

firmendam maculatam Conceptionem. Neque hoc dico, quod non pnduit hominem ferrei oris Ioannem Lamnoyum^{*} Normannum, Ordinum propè universorum Mastygem sæpiùs dicere, cum Magdalenæ in sacra apud Salyos specu Dominicanis concredita, tricenariam commorationem impugnaret. Ausus quippè est scriptis publico datis profiteri, revelationes quibus universa illa historia nititur, cussas esse à Dominicanis, dexterrimis, (ut ille criminatur) fabularum in genere visionum & revelationum concinnatoribus atque propolis. Hanc verborum illuviem, dignam, quæ aquis marinis elueretur, deterfisse ipsemet alibi. Et absit, ut illam velim meam esse. Tantum sub moderamine inculpatæ tutelæ, impactam nobis, & piæ de Conceptione Immaculata sententiæ, assertoribus calumniam depuli, quod omni jure conceditur.

§. XV.

Purgatalabes sexta, quod Titulus Immaculatae Conceptionis, in Bullis adulteratis fundetur.

§2. **Q**uam denique Bullarum adulationem ad Conceptionis Imma-

maculatæ veritatem confirmandam nobis impingat Linus, planè me latet. Nos enim talia ignoramus, quia non deducimur in intellectibus manuum nostrarum circa hujusmodi mangonias. Et est hæc ignorantia securior, ut de mali notitia rectè pronunciatum est à S. Augustino.

Rectò quidem Nicolaum Emericum, Ordinis Prædicatorum, Raymundo Lullo, pro quo FF. Minores stabant, iniquiorem, accusatum esse de confictio, (nedum adulterato) summi Pontificis nomine, Bullato Diplomate contra Raymundum. Nec dubium quin falsare potuerint quæcunque scripta, qui ipsos Cœlitum Codices falsasse & pridem & proximè sunt deprehensi. Nam P. Thomas Lemos, cui Coquetius tot & tanta vivo ac defuncto, (scilicet) miracula adscribit, in Romana editione summæ S. Thomæ 1.2.q.102.art.4. cum textus in omnibus antiquis Codicibus, haberet, arcam, & propitiatorium fuisse lapidea, mutavit ex suo cerebro quæ voluit, & pro *lapideis* substituit *lignea*; Vbi secus quàm Tiburre, & in aliis quibusdam locis, ligna in aquis lapidescunt, lapidea materia apud Thomam Lemos transiit in lignum, sola ejus voluntate, contra fidem omnium Codicum; quæ sitne falsatio & adulteratio, viderit Linus.

Nec

Nec aliter statuendum de Cosma Morelles, Ord. Prædicatorum, qui præfuit editioni operum S. Thomæ à Iohanne Keerbergio adornatæ, anno 1613. Nam S. Thomas in 1. d. 44. q. Vnica art. 3. juxta omnes antiquas editiones, etiam Romanam jussu Pii V recognitam, ait *B. Virginem esse conceptam sine peccato Originali*. At Morelles, infidus emaculator Typographicus, Vnius syllabæ adjectione, textum S. Doctoris ita falsavit, ut contrarium, & à totius discursus junctura alienum sensum efficiat, inducens hoc sensu loquentem D. Thomam, *B. Virgo non est concepta sine peccato Originali*. Hoccine est revereri Sanctorum Codices, an falsarium & adulteratorem agere? Scriptores gravissimi pridem monuerunt, S. Thomam, cum in c. 3. ad Galat. lect. 6. & Opusc. 4. in salutationis Angelicæ expositione, Immaculatam Conceptionem agnovisset, & explicatissimè tradidisset; in posterioribus editionibus fuisse truncatum¹. Vide sis Henriquem, Canisium, Pinedam, Salazarium. Nobis enim, quod hic perfunctoriè tantum ista versemus, nec nisi quantum fert justā necessitas eluendi falsò impositam labem, de adulterationibus, & falsationibus, ad fundandam idoneis fundamentis destitutam Immaculatam Conceptionem

¹ Addu-
cti sunt
in Dip-
tychis.

ceptionem, non vacat plenius, ac pressius ista excutere: possuntque hæc pauca, satis superque esse ad institutum. Tantum obiter dico, è diplomatibus Pontificiis pro Conceptione Immaculata, nullum prorsus occurrere, quod vel per somnium, comminisci liceat esse supposititium aut adulteratum. Allegantur passim in hanc rem decreta Sixti IV, Alexandri I V, Pii V, Pauli V, & Gregorii XV. Exploratissimum est Sixti decreta esse sana undecunque & infermentata, cum extent in corpore Iuris. Cæterorum diplomatum fides non potest nutare, cum ritè comprobata habeantur, & adhuc posteriorum caleat memoria, in quibus allegantur anteriora. Gratis autem confingere, Bullas illas esse adulteratas, & ab adversariis FF. Prædicatorum concinnatas, ut contra mentem Pontificum suffragarentur Immaculatæ Conceptioni, calumnia est voluntaria atque teterrima. Voluntaria quidem, quia cum oportuisset signare locum, tempus, opifices adulterationis, ac quid infartum sit principalibus edictis; nihil tale est factum, sed gratis absque probatione ac recte, generatim tantum, ut melius criminatio lateat, obtruditur, Conceptionem Immaculatam stabiliri à nobis per adulterata aut etiam supposititia diplomata. Esse
au-

autem hanc calumniam planè horrendam, monstrant poenæ gravissimæ inflictæ falsariis, de quibus DD. toto titulo de crimine falsi. Nequitiae autem verticem inter falsarios occupant, qui principalia edicta vel rescripta adulterant; quos inter Adversarius reponit assertores Conceptionis immaculatæ, non alia de causa, quàm quia ipsi placet, aut ne rudis calumniandi videatur.

§. XVI.

Clausula parænetica, de affectu erga Conceptionem Immaculatam reformato, dimissa Dictionarii reformatione.

53. **E**Xpeditis non indiligenter omnibus, quæ monstranda proposueram, canendum est receptui, si illud amicè ac ex benevolentissima Charitate, ex Laurentii Surii Commentario de sui temporis rebus, adscribam. Descripserat Surius, vivi-comburium quo Bernæ dum adhuc ea Vrbs in fide Catholica staret, Dominici quatuor ob conficta contra Immaculatam Conceptionem miracula, deflagraverunt. Subdit verò 4. [*Inprimis cavendum*

¹ In Historia sui temporis ad annum 1509.

est hominibus è religione Christiana, uti ne in defendenda sententia sua, & aliena oppugnanda, nimium sint pertinaces: iis præsertim in rebus, quas certum est nihil officere veræ pictati, qualis est opinio de Immaculata Sanctissimæ Virginis Conceptione: quam videmus ab Ecclesia receptam, & à multis gravissimis atque Doctissimis Viris fortissimè propugnatam: atque etiam aliquot Conciliorum Generalium approbatione firmatam. Videant refractarii, ne dum matris honori & privilegio, cum multorum gravi scandalo & offensione derogant, Filii ejus severum in se judicium provocent.] Hæc Surius temperatè ac sapienter. Nam quæ paulo fortiùs à Catharino in hanc rem non uno loco sunt scripta, sed maximè quæ ab eo in opere tripertito pro Immaculata Conceptione traduntur; video periculum esse, ne adversarios à zelo amaro, & contentiosa in præconceptis opinionibus pervicacia ægriùs demoveant, quantumvis in hoc connitatur Catharinus: plus profuturus, si exemplo Apostoli scribentis ad Hebræos, nomen suum pressisset. Quod Patres factum eo consilio notant, ne exacerbatis adversùs Paulum plerisque Hebræorum, quod eum ut prævaricatorem criminarentur, inutilis fieret ejus Epistola. Similiter enim Catharini, cum primariis quibus-

busdam Ordinis sui, (etiam ipso Generali Thoma de Vio Cajetano) jurgia & contentiones, tot scriptiōibus, ultrò citro-que testatæ, persuadent; ne Catharinum, sodalibus quandoque suis monitorem abjiciendæ obfirmationis in minùs pia sententia adducamus. Absteriso igitur eo amore, quem Catharini mentio emoveret, satis sit pia suggestio Laurentii Surii religione, & scriptorum laude præstantis, qui haud dubiè non minus graviter ex charitate corripiens ageret, si tricas recens excogitatas, ad dejectandam B. Virginem de possessione tituli, quo à multis jam seculis potiebatur, audiret, à negantibus dicendam aut vulgandam deinceps esse, Conceptionem Virginis Immaculatam; eo quod Vox *Conceptionis* nunc post Gregorium XV, eam notionem subtractam habeat, quæ pugnet cum attributo *Immaculatæ*, ipsam Conceptionem afficientis.

54. Satis verò superque liquere ex antedictis puto, has esse meras tricas, iis non dissimiles, quas Gregorius Nyssenus¹ à versatili & vafro ingenio Iurisperitis excogitari tradit, cum idoneis causæ firmamentis diffidunt. Quærunt enim in plano latebras, & appingunt distinctiones, ubi obvi-
vius sensus tenendus fuerat, nec gratis fingendæ

¹ Homil.
5. in
Eccles.

gendæ æquivocationes. Sed ita solent accipitres illi forenses agere, ut offusa Iudicibus caligine, vel litem producant, vel remoram injiciant negotii definitioni; vel sententiam secundum clientes suos à minùs consultis disceptatoribus extorqueant. Æquè ingeniosè in hoc negotio adversarii, ut lis de Conceptione Immaculata numeretur inter quæstiones interminatas, (nam etiam aliquando moliti sunt persuadere hanc controversiam ab Ecclesia definiri non posse) novas subinde tutelas & artes efferunt. Sed eminet profectò inter eas, hæc recens cussa, quam posteri & demirabuntur, & ridebunt, vix credentes jactatum aliquando esse, & in augustissimo Orbis universi confessu, porrectis libellis supplicibus, expositum, nomen *Conceptionis* à Gregorio X V factum esse æquivocum, ita ut intra notionem sibi subjectam, comprehendat quoque statum capacitatis peccati Originalis, quam excludebat priusquàm hac nova significatione gravidaretur; & nunc quoque excluderet, si in actu signato *Immaculata* diceretur.

55. Quid dicam? Quid nisi quod Irenæus¹ jam olim? Coguntur tanta malè interpretari, qui unum nolunt benè intelligere. Coguntur distortis notionibus vocabulo

bulo ex se perspicuo immissis, tentare nubilum aliquod injicere; ut priusquam eæ offuciæ dispellantur, vel pateat effugium, vel Auditor cœcutiens hæreat, & quo se vertat ambiguus, suspenso judicio nihil definite pronunciet. Quod si non eidem Voci corticetenus immutatæ, nova veluti anima (hoc enim est in voce juxta Originem¹ & Maximum² significatio) fuisset inducta, sed vel vicinum aliquod nomen fuisset adhibitum, aut novum ex integro cūsum, tolerabilior videri potuisset mutatio. Ipsa siquidem divina scripturā, quod D. Augustinus³ admonuit, eum usum non refugit. [Et ex vicinitate verbum usurpatum, cui propinquitas ipsa impetrat intellectum, non est velut censoria notatione culpandum.] De vocibus item planè novatis, ac recens cūsis ex proprio ingenio, ad alicujus rei expressionem liquidiorē, habemus B. Pauli exemplum, quem Gregorius Nyssenus⁴, liberè ex proprio ingenio novas voces esse fabricatum, demonstrat. Ejusque imitatione, Ecclesia cum res tulit, & necessitas firmandi, expressiusve proponendi veritatem aliquam ad novorum vocabulorum formationem adegit, intrepidè hoc fecit, ut voces *homonsii* & *Transsubstantiationis*,

¹ Hom.

§. in

Levit.

² In My-

siag. c.

quod

scrip. sit

homo.

³ Epist.

59. 9. 5.

⁴ De lo-

co Apo-

stoli,

tunc &

ipse fi-

lius.

tionis, testatum faciunt. Nec tale noviloquium posse reprehendi, fusè confirmant Espeucæus¹, & Carbo². Ac etiam quoad humanam litteraturam, posse idem, citra probrum, imo cum laude præstari, Sidonius tradit³, allegato Tullio, quem etiam ad id profert S. Hieronymus, in illud Apostoli ad Gal. 1. *Notum vobis facio Evangelium*; & latè Nicolaus Sufius⁴ in opere *Limæ Ciceronianæ*. Nihil horum factum est in re præsentî. Idem externum vocabuli corpus retentum est, & nova anima subinducta: nova inquam notio, & significatio, ut ineptiente (scilicet) Gregorio XV, *Deiparæ Conceptio*, deinceps non diceretur *Immaculata*.

56. At sunt removendæ æquivocationes, & fideles dedocendi anachronismos? Sic sanè Clerus. Verùm qui hîc anachronismi interveniant, nisi mutata item sit, voci *anachronismus*, sua notio, & reformatum eadem quoque opera *Lexicon Græcum*, nemo unquam assequatur: cum hic non agitetur lis de scrupulis Chronologorum; sed de puritate omnimodæ primæ animationis B. Virginis, & ejusdem primæ animationis elongatione à peccato Originis: ubi nihil Chronologis feritur aut metitur; ac proinde nullus potest fingi anachronis-

¹ In *Paralip. ad Epist. 1. Tim. digress. 5. l. 4. introd. cap. 14.*
² *Præfat. ad suum carmen 14.*
³ *Cap. 8.*

mus. Nec minùs perspicuum est, abesse æquivocationem, cujus declinatio captari dicitur, proscriptione tituli *Immaculatae à Conceptione B. Virginis*. Quæ enim hominimia cernitur, in nexu illius attributi, cum eo subjecto, ea voce expresso? Perinde enim prorsus est dicere, *Conceptio immaculata*, ac dicere, *Prima Virginis animatio immaculata*: quæ non est biformis enunciatio Vocalis, sed una, & simplex, cum qua simplicitate & unitate notionis non potest cohærere æquivocatio. Itaque inducit potius æquivocationem quàm tollat, qui fingit, vocem *Conceptionis*, duplici notione fœtam esse, cujus revera non est nisi una notio, probè consistens cum *Immaculata*, & peccati prorsus experte sanctitate. Mirum verò est, quomodò similiter quo tempore contentiones fervebant circa *B. Virginis assumptionem*; non fuit ex iis quibus misterium illud non arridebat, qui opponeret, proscribendam esse vocem *Assumptionis B. Virginis in Cælum*, sicut nunc proscribendæ dicuntur voces, *Immaculatae Conceptionis*, prætextu æquivocationis. At ea æquivocatio, quæ circa *Conceptionem* est planè conficta, circa *Assumptionem* poterat colore aliquo obduci. Nimirum nihil vetabat allegare, vocem *Assumptionis* æqui-

vocam videri ; cum extendi posset ad designandam evectionem hypostaticam, juxta illud , *quod semel assumpsit , nunquam dimisit*. Abstinendum igitur esse Assumptionis vocabulo, ne aliqui Collyridiani , qui B. Virginem Deam mentiebantur, existimarent , ab Ecclesia Catholica , cum definivit piè & religiosè coli posse Deiparæ Assumptionem, definitam esse, & Christiani dogmatis jure donatam, ipsorum hæresim. Nihil tale cogitatum est, quia absque tricis & tutelis res agebatur : & idem profectò in præsentī negotio contingeret , si purè veritas quæreretur , & non obfirmatio in præconcepta sententia. Nam æquivocationes quidem , cum revera interveniunt , removeri nemo reprehendat , juxta illud Cassiodori¹ , [Oportet priùs nominum similitudines quasi ramos obviantes abscindere , ne semitam disputationis nostræ, vocabulorum consonantium sylva, umbrosis imaginibus videatur intexere.] At cum *Conceptio Immaculata* dicitur , nulla (ut vocem Adversarii retineam) nisi somniata æquivocatio occurrit.

¹ In præfat. ad lib. de anima.

57. Quare, satiùs ergò esset , demissis subtilibus tricis , cum reliqua Ecclesia universa sentire , & affectum pium erga Deiparam , hoc ejus tam insigni ornamento

agnoscendo induere? Quid enim vetat non ultra se reges esse. Sed uno ore cum cæteris ubique fidelibus, immaculatam prorsus, & nulla contaminatam peccati labe Magnæ Matris Conceptionem profiteri? Gloriam Deiparæ, hinc auctiorem esse, diffiteri non licet: & erga matris benevolentissimæ decora affici gratos filios, omnia jura deposcunt. Periculum omne ab hujusmodi pio sensu summovet Ecclesia, adversus cujus scita pugnare, insolentissimæ insaniam damnat D. Augustinus¹. Itaque ambigere, an pium & religiosum, ac periculi & peccati expers sit, agnoscere Conceptionem Deiparæ fuisse Immaculatam; judice D. Augustino insolentissimæ insaniam fuerit. Quid igitur (ut aiebam) obstat, quominus ore uno, in eum pium; ac religiosum sensum concurrant omnes? Num obstat rationum in contrarium propositarum efficacia? At sunt tela imbellia sine ictu. An avocat à communi sensu, momentum autoritarum? Pridem verò monstratum est, evanidas esse, nec revera Immaculatæ Conceptioni incommodare. Num pudet, tamdiu & tanto studio, vel etiam contentione defensam Doctrinam, mutata mente, nec absque honoris communis detritione abjicere? Catharinus quidem, hoc suo

tem-

tempore jaçtatum refert ; Honorem Ordinis ferre , ut in majorum sententia hæreant posterì , & mutatis quantumlibet circumstantiis , omniumque aliorum judiciis aliò averfis , perstent ipsi nihilominus , nec dimoveantur de sententia. Sed profectò non honor est hîc. Imo verò ut Catharinus ait, infamia potiùs est Ordinis , in re ad pietatem faciente , secluso quocunque labenti periculo , malle domestico mori inhærere, quàm reliquæ Ecclesiæ Vniversæ judicium probare.

58. Adhortatio quâ Rusticus Diaconus urget Acephalum , ut tandem ejus obfirmatio derigescat, huc bellè cadit, in calce disputationis , cum præter cætera ait. [Ne amicitias hominum verearis , ut non inimicitias incurras Cœlestium potestatum ; Ne affinium multitudinem , ut annumere-
ris omnibus à sæculo sanctis ; ne hanc vestem, ut induas Christum ; Ne hos temporalium flores , ut fulgeas sicut sol in regno Dei.] Consulto:premo cætera, tametsi fortia , quod prolixiorem hominis orationem fastidiam. Nec minùs commodè in rem præsentem Tertullianus ¹, quem potiùs huc advocarim , cum mutatam abs se mentem ^{1. de pud. c. 1.} profiteretur, & societatis pristinæ repudio, objectandam levitatis notam agnosceret.

[Nunquam (inquit) societatis repudium, delicti præjudicium est, &c. At enim me non magis dedecorabit inutilis levitas, quàm ornarit nocens. Non suffundor errore, quo caruisse delector, quia meliorem me, & pudiciorem recognosco. Nemo proficiens erubescit.] Eundem animum induerat Theodorus Mopsüetenus, in cuius laudibus ponit Facundus ¹, quod videns nonnulla sibi excidisse, tametsi erroris vacua, tamen à communi aliorum sensu discrepantia, ideoque improbata; fortiter agens, sine confusione correxisset, quod primùm proposuerat. [Et revera magnæ fortitudinis fuit, (ut Facundus addit) calcare gloriam, magisterio longi temporis acquisitam, & ad emendationem dicti sine confusione descendere.] Par decus retulere Arsenoitæ, qui dedocente priora sensa Dionysio Alexandrino, ut Eusebius refert ²; Cum quid in vero patuisset, accommodabant nihilominus absque contentione consensum, judicantes hoc, quod non continuo si quid semel animo visum fuerit, omni id studio & contentione servandum est; sed esse rectius tunc mutare sententiam, cum eam melior & rectior superaverit. [Addit apud Eusebium Dionysius, id tanto animo tantaque synceritate ab eis factum,

ut

¹ l. 10.
cap. 2.

² l. 7. Hist.
cap. 22.

ut is qui inter eos maximus Doctor, & vitæ meritis præstantior habebatur; *Coratione* nomine, surgens in medio cunctis audientibus proclamaret, & protestaretur, neminem debere ultra ejus doctrinæ facere mentionem. Sufficere quod erratum est. De cætero non solum nihil horum tenendum, vel sequendum, sed ne commemorandum quidem de talibus.]

59. Non sic improvidi plerique, quibus exitialis fuit in præconceptis opinionibus obfirmatio. [Multos didicimus (ait Facundus¹) eminuisse scientia, & maximam^{1. x. c. 2.} pro hac gloriam consecutos: At ubi humanitus lapsi sunt, homines se cognoscere noluerunt, & simpliciter admoniti, contempserunt cedere veritati. Atque ita ipsis illa gloria scientiæ multum obfuit ad salutem, quoniam scientia inflat, charitas autem ædificat.] Erat in ea classe Iulianus Cælanensis, quem S. Augustinus² ostendisse ait,^{2. l. 2. c. 5.} quantum in malis humanis valeat, eò quemquam fuisse progressum, ubi manere non libeat, unde jam redire pudeat. [Sed ô (inquit alloquens illum S. Augustinus) si pax Christi in tuo corde vincat, & bona pœnitentia de mala verecundia palmam ferat!] Hoc dicit, propter gregales, quos alibi³,^{3. Tomo x. fragm.} sibi ait mutuo timentes, seque invicem erubescen-

1. 3.
cont.
lum. c. 3.

bescentes, quia grave putant depudere vanitati, ultrò procul fieri à veritate. Itaque meritò idem D. Augustinus¹ Cresconio in- gerebat, mutationem prioris judicii enu- bilata veritate, in laude esse; nec ullam cer- ni infamiam in ea mutatione: quia *senten- tiam falsam nunquam tenere, prima laus est, secunda mutare.*

* in Cos-
mop. V.
1359.

* lib. 6.
contra
Celsum.

* tom.
13. m
Acta.

* l. 2. c.
15.

* lib. 1.
strom.

60. Propè pudet, post adhibitos ad mol- liendam duritiem animi veriùs quàm con- stantiam, Patres quos Christus *Galenus Ma- ximus* (ut cum Pisida² dicam) providit, ad- vocare Ethnicum, sapienter omnino in hanc rem, disputantem. Epictetum dico juxta Ethnicos, referente Origene³, Moralis disciplinæ Magistrum absolutissimum, & veluti alterum ægritudinum quarumvis ani- mæ Æsculapium. Quando non piguit san- ctum Chrysostomum⁴ in gravissima tracta- tione de moribus, Epicteti meminisse, ejus- que sensu communire sensum suum. age nonnulla ex ejus apud Arrianum⁵ disserta- tione excerpamus, veluti bellarium aut pla- centam solidis cibis è sacra penu hætenus petitis, subjungentes, juxta phrasim Cle- mentis Alexandrini⁶. [Nonnulli (inquit Epictetus) cum disputationes tales audie- rint, quibus nimirum jubeantur esse con- stantes, opinantur se debere in omnibus
quæ

quæ semel decreverint, absque cessione ulla permanere. At inprimis sanum esse oportet quod statuitur. Censeo enim robur ac nervos debere esse in corpore, sed ut in sano & atletico. Quod si mihi furiosi vires ostentaris, & vana gloriatione superbias, suadebo sanè, ô homo, tibi ut medicum quæras. Robur enim illud non est, sed quodammodò virium imbecillitas. Hujusmodi affectio animos quoque illorum occupat, à quibus disputatio hæc de constantia, non rectè percipitur. Quod ipsum amico etiam cuidam meo accidit, qui nullam ob causam inedia mori decreverat. Is cum jam tertium diem abstinuisset cibo, & ego ipsum accedens, quærerem quidnam evenisset, respondit, se inediam decrevisse. At ego; Quid, inquam, hoc ut faceres tibi perluasit? Nam si rectè statuisti, agè assentiemur tibi & juvabimus etiam, ut hinc discedas: Sin perversè decrevisti, muta sententiam. Sed manendum est in his constanter, quæ semel statueris. Quid agis bone vir? Non persistendum in omnibus, sed in his duntaxat quæ convenienter sunt constituta. Si ita animo nunc affectus, pronuncies, noctem esse, tibi que ita diceres videri, mutares scilicet nunquam sententiam tuam, sed in ea persisteres hanc ob causam, quod mutandum non

non videatur, si quid semel sit constitutum? Quid agis bone vir? Nonne omnibus tanquam principium & fundamentum prælocandum, consideratio decreti, utrum rectè an secùs habeat; quo posito, cætera deinde superstruere, robur videlicet animi & constantiam in suscipiendo censes? Quod si putridum illud sit aut ruinosum, ab ædificatione abstinendum. Nam quo plura & ponderosiora imposueris, tanto ocyùs subvertetur ædificium.]

61. Subjicit longiusculum cum eodem suo Biothanato colloquium, cui non alia erat pereundi causa, quàm quod semel ita decrevisset. Ei tamen denique, tametsi ægrè, abs se persuasum, ait Epictetus; non item aliis quibusdam, in quibus perditam sibi operam dolet, cum evincere nunquam potuerit, ut aliter sentirent quàm semel in animum induxissent. [Quare(inquit)videor mihi, id quod priùs ignorabam, intelligere jam: Quid nimirum sit quòd vulgo dici soleat; Stultum, nec persuadendo nec tundendo mutari posse. Dii prohibeant, ut amicum habeam stultum, pertinacem, (videlicet qui mihi illud unum respondeat) Nihil efficis, sic constitui. Et mente incitati, constitutum aliquid habent: & quo firmiùs aliquid decreverint, eo opus est ipsis majore

jore copia ellebori.] Reliqua adversus hanc furiosi (ut vocat) non sani firmitatem, quæ retrocessionem à semel decretis, tantum quia decreta sunt, refugit ut probrosam ac sapiente homine indignam, ab ipso Epicteto petat, licet, cui hæc non fuerint satis.

Hunc meracissimæ superbix partum, religioni plerumque fuisse exitialem, monstratam memini tractando justam librorum confixionem, cum de confixione ob novitatem sermo esset ¹. Ibi enim & Iudæos in Christum exarsisse quasi pridem constituta convelleret, & Ethnicos non alia magis de causa in sacra nostra succensos esse, quam quod novi ritus adversus receptos à majoribus inducerentur; ex variis Patribus est demonstratum. Sed & Hæreticos S. Avitus ², inde præsertim monet in errore obfirmari, quod ³ eos pudeat videri sententiam mutasse, aut non inhæsisse majorum sensui, quantumvis discusso nubilo, liquida se veritas ingerat. Par igitur est, filios lucis ab usu eorum qui in tenebris ambulant procul factos, piam de immaculata Virginis Conceptione sententiam, cui nihil opponitur solidum, quodve difficultatem meritò faciat, à qua omne præctice errandi periculum semovet columnia & firmamentum veritatis Ecclesia, in tanta

¹ *partit.*
I. atatem 20.

² *Epist.*
³ *41.*

cæte-

cæterorum omnium consensione amplexari
deinceps , nec logomachiis ad nihil utilibus
insistendo , præconceptionibus suis insiste-
re. Quid par fuerit , dixi : Quid speran-
dum , filia temporis veritas manifestabit.

F I N I S.



E R R A T A

sic corrige.

PAg. 5. lin. 18. parenthesis claudatur post *affricantem*.
 pag. 11. lin. 18. *parte* adde prima. p. 21. lin. 1. *ne* le-
 ge nã. p. 36. lin. 4. *Sinasta* lege *Sinaita*. p. 40. lin. 5. à
 fine *B. Zovius* lege *Bzovius*. p. 45. lin. 2. à fine *usque*
 lege absque. p. 47. lin. 13. *Christlinorum* lege *Christia-*
norum. p. 53. lin. 6. *Ioannes* lege *Ioannis*. p. 54. lin. 5. à
 fine *nunc* lege *tunc*. p. 56. lin. 1. *propugnationes* lege *pro-*
pugnationem. p. 68. lin. 5. à fine *per* lege *post*. p. 76.
 lin. 5. dele *in*. p. 78. lin. 13. *desertè* lege *disertè*. p. 80.
 lin. ultima. *Vereelensis* lege *Vercellenfis*. p. 84. lin. 14.
 & lege *est*. p. 85. lin. 17. *appositam* lege *oppositam*.
 p. 86. lin. 3. à fine. *grati* lege *gratis*. p. 87. lin. 11. *volunt*
 lege *nolunt*. p. 88. lin. 2. *Panharcha* lege *Patriarcha*.
 p. 91. lin. 14. *petitos* lege *potitos*. p. 107. lin. 8. *Reçto* le-
 ge *Recolo*. p. 112. lin. 19. *substractam* lege *substratam*.
 p. 120. lin. 8. *Mopsuetenus* lege *Mopsuesienus*.

Reliqua prudens Lector per se facile corriget.

VAL
1553064



u
o
o









